

T 2511/1218

Harvard College Library Imaging Services <http://imaging.harvard.edu>

CM	0	1	2	3	4	5	6	7	8	9	10	11	12	13	14	15	16	17
Lab D50 2°	95/0/2	81/0/0	66/0/0	51/0/1	35/0/0	20/0/0	29/19/54	55/-39/33	42/57/29	82/4/79	51/50/-13	50/-28/-29						
	38/14/16	66/16/18	50/-5/-22	43/-14/21	55/-9/-25	71/-32/0	62/34/60	40/9/-43	52/48/17	31/21/-21	72/-23/57	73/19/68						

函史下編卷之三

明盱郡鄧元錫著

哈佛大學漢和
圖書館珍藏印

人官考

自咎繇矢謨。無曠庶官。亮天工於人官。惟說命。總百官。曰明王建邦設都。樹后王君公。承以大夫師長。不惟逸豫。惟以亂民。則知人官之設。代天工而立民命。依古初而來。伏羲氏以龍紀。故以龍名官。共工氏以水紀。故以水名官。神農氏以火紀。故火師火名。黃帝有雲瑞。故雲師雲名。少昊摯之立也。鳳鳥適至。故以鳥紀。爲鳥師而鳥名。鳳鳥氏曆正也。玄鳥氏司分也。

伯趙氏。司至也。青鳥氏。司啓也。丹鳥氏。司閉也。蓋主於若天。祝鳩氏。司徒也。雉鳩氏。司馬也。鳴鳩氏。司空也。爽鳩氏。司寇也。鵲鳩氏。司事也。一至於鳩民。而五雉爲五工正。九扈爲九農正。民生賴焉。自顓帝以來。不能遠紀。乃紀於近。爲民師。命以民事。唐堯之世。曾命羲和。欽昊天。以授時。內有百揆。四岳。外有州牧。侯伯。及舜受終。申命禹。以司空。宅百揆。棄后稷。契作司徒。敷五教。臯陶作士。正五刑。垂共工。伯益作虞。伯夷作秩宗。典三禮。夔典樂。龍納言。爲九官。會咨岳。宅揆重百揆也。百揆於虞。爲冢宰。統百官。庶采寄焉。九疇

畀焉。舜相堯都之。故茲以命禹。稷農官。農天生德。天民之大命也。故次命稷。播百穀。富而教。然後民親遷。而以其天全。故次命契。刑弼教。故次命臯陶。工作成器。爲天下利。故命垂。而治人之道畧備。然後若上下草木鳥獸。而命益。民康物毓。無不順治也。而後禮樂興焉。故咨岳。而命夷。夷讓而命夔。三禮者。事天神。地示人鬼之紀也。夙夜庸庸。祗祗威威。敬正直內。清明在躬。然後恒與神明居。是禮之本也。樂也者。蕩滌邪穢。斟酌飽滿。動盪血脉。流通精神。而和正心也。是化之成也。夫讒說之爲天下禍。烈矣。變亂視聽。殄絕善

行。震驚有衆。不墜。則治毀于成。故命龍納言。納言者。典司上命。司下復逆。而出納之。而防之者也。乃其容。十有二牧。曰。食哉惟時。柔遠能邇。敦德允元。而難壬人。蠻夷率服。食者民之天。時者食之天。司民牧者之本也。柔遠附遠。能邇附邇。帝者於遐邇一體也。乃其篤有德。忱仁人。於壬邪防乎。防焉。故邦國乂而守在四夷。大哉洋洋乎。九官十二牧之命也。曰。惟時亮天工。故岳牧九官。罔非天工。咨牧命官。一主於亮工。此虞帝所以恭已穆清無爲。而以萬邦寧之道也。萬世治官之統繇之矣。蓋唐虞稽古。建官惟百。夏后倍之。

天子有三公九卿。二十七大夫。八十一元士。殷制天子。建天官。先六大。曰大宰。大宗。大史。大祝。大士。大卜。典司六典。天子之五司。曰司徒。司馬。司空。司士。司寇。典司五衆。天子之六府。曰司土。司木。司水。司草。司器。司貨。典司六職。天子之六工。曰土工。金工。石工。木工。獸工。草工。典制六材。五官致貢曰享。五官之長曰伯。千里之內爲王畿。千里之外設方伯。五國以爲屬。屬有長。十國以爲連。連有帥。三十國以爲卒。卒有正。二百一十國以爲州。州有伯。八州八伯。五十六正。百六十八帥。三百六十六長。八伯各以其屬屬於天子之

老二人。分天下以爲左右。曰二伯。今曲禮王制所述其畧也。武王克商。以五等列爵。以三等分土。以賢建官。以能位事。告武成而命焉。爲宗周治綱。其後成王幼。周公輔王。四征弗庭。六服承德。歸于宗周。乃董正治官。作周官。官三百六十屬。上法乎天行。立太師。大傅。太保。曰三公。論道經邦。燮理陰陽。立少師。少傅。少保。曰三孤。貳公弘化。寅亮天地。重道本也。王心王躬。思慮聰明。宥密平康。得天地泰。中陰和陽。動靜順軌。好惡以平。發歛消息。與時偕行。必以歲在天。毋失其當。秉道握符。以中爲常。故師嚴傅密。保親而後王能以

道寧。立三少。貳公也。公尊重。不可以有瀆。公有貳。而後道可以意盡也。故雖天子。必右師也。以有尊也。必有弼也。以有輔也。主於道。不及以政。然後志凝於神。而專之於道。通神易之原。調精禮之微。是道本也。論官者先諸此。乃建六官。其書曰。惟王建國。辨方正位。體國經野。設官分職。以爲民極。乃立天官冢宰。使帥其屬而掌邦治。以佐王均邦國。乃立地官司徒。使帥其屬而掌邦教。以佐王擾邦國。乃立春官宗伯。使帥其屬而掌邦禮。以佐王和邦國。乃立夏官司馬。使帥其屬而掌邦政。以佐王平邦國。乃立秋官司寇。使帥

其屬而掌邦禁。以佐王刑邦國。乃立冬官司空。使帥其屬而掌邦事。以佐王富邦國。天官者。象天所立之官。天統萬物。冢宰掌邦治。總百官。均四海。曰天官。掌建邦之六典。曰治典。曰教典。曰禮典。曰政典。曰刑典。曰事典。而五官統焉。故周易首乾象天。坤者天之配。元亨利貞其行也。象此者也。以八灋治官府。曰官屬。以舉邦治。官職以辨邦治。官聯以會邦治。官常以聽邦治。官成以經邦治。官灋以正邦治。官刑以糾邦治。官計以弊邦治。是也。以八則治都鄙。曰祭祀以馭其神。灋則以馭其官。廢置以馭其吏。祿位以馭其士。貢

賦以馭其用。禮俗以馭其民。刑賞以馭其威。田役以馭其衆。是也。如是而加之以八柄。詔王貴賤。予奪廢置。而生殺之。宰統百官之道也。以八統詔王馭萬民。而以九兩繫之。九職任焉。八統。曰親親。曰敬故。曰進賢。曰使能。曰保庸。曰尊賢。曰達吏。曰禮賓。九兩。曰牧。以地得民。長以賢得民。師以賢得民。儒以道得民。宗以族得民。主以利得民。吏以治得民。友以任得民。藪以富得民。九職。一曰三農。生九穀。二曰園圃。毓草木。三曰虞衡。作山澤之材。四曰藪牧。養蕃鳥獸。五曰百工。飾化八材。六曰商賈。阜通貨賄。七曰嬪婦。化治絲

泉。八曰臣妾。聚歛。疏材。九曰閒民。無常職。轉移執事。宰治萬民之道也。以九職任之功。而歛之於郊甸縣。都關市山澤。曰九賦。職外無貢也。以九賦所入之財。而均節之於祭祀賓客荒喪羞服工事幣帛芻秣匪頒好用。曰九式。賦外無式也。又以九貢致四方萬國之財。而一之於經用。式外無用也。宰制國用之道也。百官輻輳。並進。宰握樞。曰統。四海碁布環列。宰平畫。曰均。萬民星共。僕治。宰時。又曰紀。故六典。大典也。統。天道。該王事。是有相之道也。而並列於六卿。乾坤與六子。並列於八維。冢宰與五官。並奏於六職。其義一。

也。地官。象地所立之官。地配天。任養萬物。司徒配天官。主地。主民。徒而教。擾之。曰地官。掌建邦土地之圖。與人民之數。制畿疆而溝封之。以土會之法。辨地之物生。以知民之恒性。而施十有二教焉。以祀禮教敬。則民不苟。以陽禮教讓。則民不爭。以陰禮教親。則民不怨。以樂教和。則民不乖。以儀辨等。則民不越。以俗教安。則民不偷。以刑教中。則民不虓。以誓教恤。則民不怠。以度教節。則民知足。以世事教能。則民不失職。以賢制爵。則民慎德。以庸制祿。則民興功。此十二物者。大司徒之所以教也。不養不可以動。則有保息六。

以養之。曰慈幼。曰養老。曰振窮。曰恤貧。曰寬疾。曰安富。不安不可以養。則有本俗六以安之。曰媿宮室。曰族墳墓。曰聯兄弟。曰聯師儒。曰聯朋友。曰同衣服。而又頒職事十有二以登之。設荒政十有二以聚之。散財。薄征。緩刑。弛力。舍禁。去幾。省禮。殺哀。蕃樂。多昏。索鬼神。除盜賊。使民饑而不害。有安土而無流亾。是安擾之始也。以鄉三物教萬民。而賓興之。一曰六德。智仁聖義忠和。二曰六行。孝友睦婣任恤。三曰六藝。禮樂射御書數。倍行者刑。爲鄉八刑以糾之。一曰不孝之刑。二曰不友之刑。三曰不睦之刑。四曰不婣之刑。

五曰不任之刑。六曰不恤之刑。七曰造言之刑。八曰亂民之刑。刑糾行。行徵實也。糾造言亂民。僞亂真也。德與藝不糾。德中藏。未易知。藝成於性。不可強也。是安擾之道也。又盛而漸於化。以五禮防民僞。而教之中。以六樂防民情。而教之和。而安擾成焉。故地官卿配天也。宗伯。象春所立之官。春。天地之和也。宗伯掌建邦之五禮。以治神人。和上下。曰春官。以吉禮事邦國之鬼神示。以凶禮哀邦國。以賓禮親邦國。以軍禮同邦國。以嘉禮親萬民。以九儀正邦國之位。以禮樂合天地之化。百物之產。以事鬼神。諧萬民。致百物。是

宗伯之事守也。蓋虞廷秩宗典禮。夔典樂。龍納言。周
皆統春官。司馬。象夏所立之官。天。日暄。雨潤。雷奮。諸
莫盛於夏。夏。大也。司馬掌邦政。張皇六師。赫赫濯濯。
而後能以萬國寧。曰夏官。譬則夏之日乎。伊可畏而
助長物也。擲雷霆乎。時雨乎。殫迅疾而震動優渥。又
過化不留也。夏。盛德在火。兵。猶火。火烈具舉。而民勿
之有犯也。夏官。卿之道也。掌建邦之九法。以佐王平
邦國。制畿封國以正之。設儀辨位以等之。進賢興功
以作之。建牧設監以維之。制軍詰禁以糾之。施貢分
職以任之。簡稽鄉民以用之。均守平則以安之。比小

事大以和之。是政之大紀也。於是乎以九畿之籍。施
邦國之政。而令其賦。以四時之田。習苗蒐獮狩之法。
而治其軍。其馮貉犯寡也。則責之。賊賢害民也。則伐
之。暴內陵外也。則壇之。野荒民散也。則削之。犯令陵
政也。則柱之。至賊殺其親。放弑其君。外內亂。禽獸行。
則正之。殘之而滅之。是九伐之法也。是司馬之事守
也。秋官。象秋所立之官。秋。擘斂。司寇義刑。義殺。驅而
納之善。曰秋官。掌建邦之三典。以佐王刑邦國。一曰
刑新國。用輕典。刑平國。用中典。刑亂國。用重典。以五
刑糾萬民。曰野刑。上功糾力。曰軍刑。上命糾守。曰鄉

刑。上德糾孝。曰官刑。上能糾職。曰國刑。上愿糾暴。是五刑之綱也。凡民之有罪過。未麗於法。而有害於教者。以圜土聚教之。施職事焉。甚者坐諸嘉石。役之司空。凡遠近惇獨老幼。欲有復於上。而其長弗達者。立諸嘉石。聽其辭。以告而達之。其萬民之獄。以兩造而禁之。其訟。以兩劑而質之。獄入束矢。訟入鈞金。然後以五刑聽之。用情訊之。以辭聽。色聽。氣聽。耳聽。目聽。而察之。至於旬。乃弊之。要成讀之。與衆聽之。而後以八辟麗邦法。而附之刑。以三刺斷邦刑。而求其中。八辟者。議親。議故。議賢。議能。議功。議貴。議勤。議賓。三刺

者。訊群臣。訊羣吏。訊萬民也。刑者。例也。例者。成也。一成而不可變。故君子盡心焉。大哉乎。夏官之董。兵曰政。秋官之制。刑曰禁也。明兵設而不用。刑有禁。欲毋犯也。王德之至也。虞廷蠻夷寇賊均屬士。蓋兵刑兼之。中古政刑繁噴劇矣。故司馬專兵。司寇專刑焉。冬官。象冬所立之官。司空篇今亾。周官司空掌邦土。居四民。時地利。太宰事典富邦國。任百官。生萬民。而均統於天官。天官六十屬。少宰其貳也。掌宮刑。治王宮之政令。糾禁。夫天下之政令風教。未有不自王宮始者。其奢儉汰約之原。治亂分焉。故憲宮刑。所以肅君

心之敬。而格非心之萌也。太宰統焉。而職不列。先之則後陽治。後之則慢王宮。於少宰著之。宮正宮伯。主王宮之宿衛。左右。內宰。內小臣。主后宮之內政。若左右也。膳夫。主食。酒正。主飲。宮人。主六宮六寢之脩。典婦功。內司服。主衣服。醫師。主疾病。王后世子之所服御也。宮中府中。合爲一體。而冢宰統焉。罔或有一事一物。出他門。違式法者。所以輔王及王后。率繇於天道。而端其本也。宰制國用。太府。列職掌出入之權。宰統百官。司會列職。贊聽治而會其職。六十屬。皆在上之事。天覆之象也。地官六十屬。主土地民徒教養之

政令。六鄉多士。故鄉大夫。州長。黨正。族師。閭胥。比長。詳於教。六遂多農。故遂大夫。縣正。鄙師。鄴長。里宰。鄰長。而下。詳於養。鄰長。位下士。自長而上。登一級。至鄉大夫。而爲卿。司市。教市也。司門關。施教於門關也。師氏。保氏。主輔王媿。詔王慝。而教其左右也。司諫。司救。董畿內之教也。地也者。土也。載師。任土也。土均。均人。平土也。封人。制畿封之土。虞衡。主山林川澤之土也。倉廩。土所出。牧人。蕃育犧牲。土所產也。牛。土畜。牛人。掌之。國有大事。司徒共之。六十屬。皆邦本之事。地載象也。春官屬六十。禮莫嚴於事天。天府。天重器之藏。

也。大卜筮人。占夢。眡祲。馮相保章。致寅清之德。以聽命於天。而和同天人之際者也。典命典瑞。司服。巾車。司常。禮之秩叙也。鬱人。司尊彝。司几筵。司禮之器也。巫祝。致禮之辭也。諸史。守禮之官也。大司樂。屬焉。樂所以和禮。教王世子及國子。以禮樂者也。世婦。內外宗。主王六宮之禮。都宗人。家宗人。主家削縣都之禮者也。送死大事。冢人。職喪。專之。鷄。木畜。鷄。人掌之。春官共之。六十屬。合敬同愛。春生象也。夏官屬六十有三。量人。遷人。主制畿封國也。職方氏。主施貢分職也。都司馬。家司馬。主簡稽鄉民也。司勳。司士。諸子。主進

賢與功也。皆邦政也。大僕。節服氏。主王正事也。司士。正朝儀之位。正朝廷百官也。九伐。主萬國也。服不氏而下。正及禽獸也。司甲。司兵。司弓矢。皆兵之所有事。馬質。較人。軍之所駕乘也。戎僕。主車御。司右。其右。射人。其左。皆車之所有事也。於是乎有虎賁旅賁。主輦。轂。以衛王。掌固。司險。掌疆。主設險以守邦。而又有訓方。懷方。匡人。擇人。喻王德。達下志於上下。而消患於未萌。此王者兵不用。而諸侯自爲正之具也。司燿。主火。火。夏氣也。小子。羊人。主共羊。羊。一爰畜也。弁服。管服。夏象也。六十屬萬物各正。夏長之家也。秋官六十屬

司刑司刺掌囚司厲司圜皆刑官。逐士。縣士。方士。訝士。朝士。各掌其地之刑者也。布憲。王警戒。禁暴氏而下。主巡察。司約。司盟。主結信。皆禁於未發。刑期無刑也。司民。主民數屬之。若曰。民。天之命。王者之所天也。主刑者。民之司命。用可無慎乎。大行人。掌邦國之交。朝大夫。都則都士。主圻內都家之法者也。冥氏。已下十二官。刑及于禽獸也。職金。大人屬焉。金。秋氣。犬。金畜也。六十屬皆主裁物之過。秋。殺象也。冬官屬今亡。考工記三十二工其屬與。豈當有善景相觀上。以疆理四方。如傳所稱。召伯世執其功者與。天文東井主

水衡。豈當有匠人。主濬治溝洫。通津梁。爲水土治與。立政有準人。象水。象繩。直。禮有嗇人。主收藏積聚。爲封守鍵閉。豈其屬與。鹽。水所自出。而利博。宜亦有專官與。然不可考矣。王昭明云於是乎六官各率其屬。各敬

官慎位。倡九牧。以覆承生長而收藏之。彌綸宥密。如天宇之六合。而五等之國。又各設其孤卿大夫士序。宣其下。一依之以建官位事焉。於是乎五服羣后。各以其方入見。考禮正刑一德。以尊于天子。而天子時巡觀焉。此周王奉若天道。建天官以理天下。兵不用而諸侯自爲正之具也。是故井牧始於黃帝。而九夫

經野之法。至是而大備。躬服昉於陶唐。而九畿封國之制。至是而益詳。典刑倣於有虞。而五刑五罰之制。至是而纖悉具矣。故合兵農於田井。基教養於鄉遂。育俊造於學校。大之而祭祀朝覲冠昏器紀師田行役之法。次之而車旗圭璧衣裳冠冕之制。小之而登龜取魚籍驚攻蠱水化火化之事。靡不在焉。上自王躬后宮。以至於郊社宗廟。邇自朝廷折旬。以被於九服四海。六官各有常矣。而其聞其政。六職各有務矣。而其理其事。譬之則一人之身。目視耳聽。手持足行。固各有其官。正耳之所注。目必營焉。手之所探。足必

前焉。癢疴搔抑。固未始不通爲一體。而喻於不言也。孔子歎之曰。周監於二代。郁郁乎文哉。文中子歎之曰。先師以謂王道極是也。千載而上。聖人在上者。未其有若周公焉。其道則一。而經制大備。後之爲政者。有所持循矣。後官失道散。而諸侯大夫。競於僭陵。恣於竊攘。於是乎有春秋。故時之有春秋。自周官之失始也。孔子之作春秋也。屬辭比事。一正之以舊典禮經。欲以復天地四時之官。世陵遲莫能用。而戰國諸侯惡其害已。弁其藉而去之。秦不師古。好戰攻。設爵級。以勸武力。成其弁吞。旣得志。而終已不改。罷侯置

守。設太尉主五兵。立丞相總百揆。又置御史大夫貳於相。終佳兵尚刑。程吏事爲功能也。然城亾亟矣。漢興。制官多仍秦舊。取趨時便事。初置一相曰相國。掌承天子。理萬幾。置御史大夫副之。而太尉主南北軍。護諸將。皆秦官。孝惠呂后時。置左右相。奪太尉權。畀諸呂。諸呂掌南北軍而亂作。丞相平。太尉勃。相與協計謀。誅之。則將相會和之力也。文帝旣踐阼。復相太尉之舊。三年。罷太尉官。其後時以事制事。已輒罷。而相權益重。以專。上謁者鄧通。方盛寵。而丞相嘉得以節召至。頓辱之。則其驗也。景帝時。御史大夫錯。以刻

深用事。事多從關決。已。又爲上畫削七國權。丞相弗聞也。而錯竟以誅。是時漢法。諸將皆起軍功得侯。又常以列侯有功得相。至武帝時。高祖之列侯功臣嚮盡。而天子方垂意於文學。得菑川人公孫弘。儒雅有文。大悅之。於是徒步起布衣。不數年至宰相封侯。而官丞相封侯。自弘始。後踵爲故常。已。天子銳意武功。又置大司馬。以冠將軍之號。示尊寵。蓋文武並用。而不主故常者如此。先是御史大夫與丞相稱兩府。而御史府有兩丞。皆秩千石。中丞在殿中蘭臺。掌圖籍。領侍御史十員。受公卿所尚書。及是天子益明察。務

遠畧。內防猜丞相御史所爲。擅國柄自予也。於是九卿得更進用事。丞相徒齷齪取充位。又招選文學材智之士。令侍中待詔。事至得舉白。令援經書古法雜難之。與大臣相糾詰。大臣屈焉。已。又以宦官主中書。奏白上。乃下兩府行之。又性嚴峻。多誅殺。而丞相御史往往得重譴坐誅。公孫賀以太僕得引拜。至頓首涕泣。不肯受印綬。其痛急至於此。先是漢法丞相見上。上御坐爲起。在輿爲下。至是賀蒲伏祈哀。請自免。上意忤。自引。竟起去。賀不得已乃退。蓋禮貌薄甚矣。已。竟不免。其後霍光以大司馬領尚書事。於是大司

馬至散騎諸吏。筦機要者。爲中朝官。自丞相而下。至六百石。爲外朝官。迨光受遺輔政。丞相獨建空名於百僚之上。每大議。冠百僚具奏上。而事趣決於大將軍。蓋相權盡矣。宣帝起民間在位。知霍氏專橫。以過誅滅之。而詔大司馬不得冠將軍已。魏丙相繼爲丞相。任政尊重。漢治勃然中興。是時御史大夫望之。以日食引咎。言陰陽不和。罪在臣等。上以其意輕丞相。不熹也。望之因遂絀。其重相如此。成帝時。御史大夫武。爲上言。古民淳事約。國之輔佐。必得賢聖。而猶則天三光。備三公之官。各有分職。今末俗益弊。政事煩

多。宰相之才。遠不逮古。而一人獨兼三公之事。此大化之所以未洽也。宜建三公官。定卿大夫之位。分職治政。以考功效。於是拜曲陽侯根爲大司馬。而武自御史大夫改大司空。祿奉比丞相。爲三公。蓋三公爲丞相自此始。非久。司空博上言。帝王之道。不必相襲。高帝置御史大夫。位次丞相。典正法度。歷載二百。天下安寧。今更大司空與丞相同位。非所以隆聖德。重國相也。願罷大司空。以御史大夫爲百寮長。自臣始。詔從之。非久。而哀帝改丞相爲大司徒。復置大司馬。大司空應三公之名。實本武初議。然其議亦獨謂三

公各有分職。闇論道之任。而以周六卿司馬掌邦政。司徒主民。司空主土者當之。蓋沿牧誓三卿而誤也。名實紊矣。大將軍若前後左右將軍。自周末有之。以將兵得名。而國權重在兵。呂后時。以呂祿爲上將軍。示握兵尊重。制朝權。文帝以外藩入踐尊。以宋昌爲衛將軍。薄昭爲車騎將軍。入宿衛。至武帝尊寵大將軍青。以將軍秦官。薄之。倣周官司馬置大司馬。冠大將軍之號。又設車騎驃騎左右將軍副之。而大將軍特重。博陸受遺。因用廢立。天下莫能難。至成帝。專用舅氏陽平侯鳳。以大司馬大將軍領尚書事任政。其

後兄弟繼起在位。筦朝政。威權出。呂霍上。天下寒心。哀帝卽位。王氏列侯罷就國。而寵幸人董賢。至以爲大司馬。復印綬官屬。位司徒上。事益悖。驚。帝暴崩。莽遂起大司馬入柄國。置三公官。而莽以大傅充三公。尋以安漢公備四輔。已復以宰衡位王公上。而內移漢祚矣。原厥所以。以外戚握兵專政之日久。而帝暴奪之。不以道。趣之成也。世祖中興。憤數世之失柄。罷丞相太尉官。不置。踵西漢末。設大司徒大司馬大司空爲三公。尋改司馬爲太尉。名三公。析一相而三。然獨責之綜庶務。下親吏事。奪之權。先漢丞相有長史。

有司直舉劾不法。至是罷不設。而事筦於尚書。至明帝時。東平王蒼以驃騎將軍錄尚書事。錄尚書之名始於此。三公權益奪。每天子初立。獨擇重臣倣古天子諒闇。冢宰總百官事。令以太傅錄尚書。非久輒省。相道益蔑。乃獨以都重位。食厚祿。有災異輒策免。甚且令自裁。冀以塞天變也。豈不謬哉。尸其位者。詎不痛哉。自秦置尚書。禁中通章奏。少府令四人於殿中發文書。漢興。公卿因少府以白事。故尚書與中書謁者黃門。皆爲少府屬。自武帝游宴後庭。妨士人入內。始用宦者主中書。謁者任以彌重。

太史掌天官。受天下計書。大史公父

子繼為之。後太史公以李陵故。宣帝察察其名實。而論腐刑。因得為中書令。是也。

宦官弘恭石顯。以便慧筦中書。迨孝元彌寤。以中書令。比周用事。轉移上心意。而熒惑其聰明。蕭望之白。以為中書政本。宜以賢明之選當之。更置士人。竟為所傾詆。自裁死。天子痛悼。而終莫之能罪也。於是丞相御史。帝師傅。多為所擠搆。成免。成帝初。始罷中書宦官。置尚書五人。尚書僕射一人。掌圖書。秘記章奏。實始用士人。而其任猶輕。至後漢事。皆關決於尚書。而妙選士人。有名德負時望者充之。於是尚書得與人主參可否。漢王體國已。詔尚書侍中黃門諸官。不

以職屬。於是李固以為出納王命。賦政四海。為王喉舌。比天之有北斗。而後世尚書令。及左右丞僕射。遂為端揆之位。始此矣。和熹在政。始復用奄人典中書。出納王命。於女主易親。其後用族姓握與密。已益漫衍。已又領鹽官。又其後領羽林。典宿衛兵。於是尚書之權。盡移之奄尹。得封侯襲爵為將軍。而禍亦汰烈也。桓帝時。司徒秉劾中常侍覽有章。尚書詰其越奏。至以謂三公察外。御史察內。為當然而忘其本也。豈不悖哉。大都政權不能一日無所屬。在朝廷則治。在臺閣則亂。在閣宦則亾。朝廷失而臺閣臺閣失。奄

官勢激使然。又曷怪焉。建安中。曹操實復始置丞相。以大枋自予。自尚書令而下。徧置其私人。又都督中外諸軍。則盡先漢權重諸職。身都之。而漢亾。本漢初。惟丞相太尉。並列為將相。後御史大夫與相稱兩府。而罷太尉官。其後太尉為大將軍秉國。東漢則三公為相。而邦事專於尚書。古重論道。相兼道與法而有之。後天下政務筦於章奏。故權在御史。已遂為尚書中書。而兵權所在。威重莫比。故大將軍重焉。而周官道揆法紀之遺意。蕩然盡矣。相國丞相皆秦官。金印已更名相國。孝惠置左右丞相。文帝復一丞相。世祖更名大司徒。後去大府。有兩長史。秩千石。武帝置司

直秩比二千石。佐丞相。舉不法。東漢省掾三十一人。令史及屬三十六人。○太尉。秦官。金印紫綬。初置後省。武帝置大司馬。冠將軍。宣帝置大司馬。不冠將軍。成帝初。大司馬置官屬。祿比丞相。世祖復太尉。長史一人。掾史屬二十四人。○御史大夫。秦官。銀印青綬。副丞相。有兩丞。一曰中丞。在殿中。蘭臺掌圖籍秘書。外督部刺史。內領待御史十五人。受公卿奏事。舉劾。按章成帝及中興。更名大司空。後去大。別為御史臺。率留中。後屬少府。又置治書侍御史二人。其繡衣直指。出討姦猾。治大獄。不常置。屬長史一人。千石。掾屬二十九人。令史及蘭臺掾屬四十二人。○太傅。古官。高后置。金印紫綬。後省。哀帝復置。位三公上。世祖以卓茂為之。後省。唯天子踐阼時一置。○太師。太保。皆古官。平帝初置。金印紫綬。太師位太傅上。太保次太傅。○將軍。周末官。金印紫綬。不常置。比公者四。第一大將軍。次驃騎將軍。次車騎將軍。次衛將軍。位次丞相。前後左右將軍。次上卿。長史司馬皆一人。千石。從事中郎二人。六百石。掾屬二十九人。令及掾屬三十人。其領軍皆有部曲。大將軍營五部。部較尉一人。比二千石。軍司馬一人。比千石。部下有曲。曲軍候一

人比六百石。曲下有屯，屯長一人，比二百石。其不置較尉部，但軍司馬一人，又有假司馬，假候皆副貳。其餘將軍以征伐置，无常員。漢九卿曰奉常、曰光祿

勳、曰衛尉、曰太僕、曰廷尉、曰大鴻臚、曰宗正、曰大司農。曰少府。其外有中尉，皆中二千石。丞皆千石。奉常

秦官。古秩宗。主郊廟禮樂。卿一人，有丞。景帝改太常。屬官有丞。

樂掌伎樂。太祝掌祝號，太宰掌鼎俎，太史掌星曆，太卜太醫六令丞，又均官都水兩長丞，又諸廟寢園食

官，各有令長丞，又雍太宰、太祝、令丞，五時各一尉。又博士及諸陵縣皆屬焉。太卜後省，并太史。東漢更太

醫屬少府。博士秦官，掌通古今。秩比六百石。武帝初置五經博士，教弟子。宣帝增員十二人，各以家法教授。

郎中令。秦官。卿一人，有丞。古宮伯。太初中，更名光祿勳。

其屬皆以議論入。拾遺左右出充車騎。於天子最親。

屬官大夫掌論議，顧問應對。有太中大夫、中大夫、諫大夫，皆無員，多至數十人。武帝更名中大夫為光祿

大夫，秩比二千石。太中大夫比千石。東漢有中散大夫、諫議大夫，六百石。郎掌門戶，主更直執戟宿衛。出

充車騎，有議郎、中郎、侍郎、郎中，皆無員，多至千人。唯議郎不在直中。議郎中郎秩比六百石，侍郎比四百

石，郎中比三百石，其後中郎有五官左右三將，秩皆比二千石。郎中有車戶騎三將，秩皆比千石。謁者掌

賓讚受事，秩比六百石。有僕射，率謁者奉引，秩比千石。東漢常侍謁者五人，比六百石。給事謁者四百石。

灌謁者郎中三百石。本員七十人。東漢省，但三十人。期門掌執兵送從，武帝初置，比郎無員，多至千人。有

僕射，秩比千石。平帝更名虎賁郎，置中郎將，秩比二千石。東漢因之，有左右僕射，左右陞長各一人，比六

百石。羽林掌送從，次期門。武帝初置，名建章營騎。後更名羽林。本選漢陽隴西安定北地，上郡西河六郡

良家子補之，以便弓馬。從獵還宿殿陛。巖下室中號巖郎，又取從軍死事之子孫養羽林官，教以五兵號

羽林孤兒。有令丞。宣帝令中郎將騎都尉監羽林，秩比二千石。東漢有左右監，六百石。有奉車都尉駙馬

比二千石。東漢有左右監，六百石。有奉車都尉駙馬

都尉騎都尉比二千石無員僕射秦官自侍中尚書博士郎皆有之古重武官有主射課督因取為領事

號衛尉秦官古宮正掌宮門衛屯兵卿一人有丞屬官有公車司馬

令一人六百石主衛南闕門掌吏民上章及徵詣公車者有丞尉各一人南宮衛士令一人二百石丞三人北宮衛士令丞亦如之旅賁令丞亦如之又諸屯

衛有左右候門有司馬二十二官皆屬焉長樂建章

其泉皆衛太僕古官掌御輿馬卿一人有兩丞屬官有大廐未央家馬三

尉掌其宮令各五丞一尉文車府路輪騎馬駿馬四令丞又能

馬閑駒索泉駒駉承華五監有長丞又邊郡六牧師

苑令各三丞又牧索昆躡令丞東漢考工一令二丞

主作兵器皆屬焉中太僕掌皇太后輿馬不常置武

帝更名家馬為廷尉古刑官掌平獄奏當凡郡國獄

桐馬置路輪疑皆處當報之卿一人有正左右監秩皆千石景帝

平秩六典客古大行掌贊郊廟行禮諸侯及歸義蠻

百石

夷掌巡勞贊禮儀上郡國計得可以命諸司景帝更

名大行令太初定為大鴻臚卿一人丞一人屬官有

及郡邸長丞東漢大行令宗正秦官古庶子掌天子

主諸郎治禮郎四十七人

族親屬籍序王國嫡庶之次上宗室名籍若犯法者

卿一人有丞屬官有都司空令丞內治粟內史秦官

官長丞諸公主家令門尉皆屬焉

古鄉遂官太初更大司農掌田租芻藁錢穀金帛諸

貨幣郡國月旦上簿計別其逋邊郡諸官請調度報

給焉卿一人丞一人部丞一人屬官有大倉均輸平

倉農監都水六十五官長丞皆屬焉搜粟都尉少府

軍官不常置東漢止太倉平準導官設餘省

秦官掌山海地澤之末稅給天子其養而天下公用

仰司農宮府一體亦猶屬丞相御史國經用不給時

發焉卿一人有六丞屬官有尚書符節太醫太官掌

御食湯官主酒果導官主擇米樂府主備食若

盧主兵器品令考工主室及左弋居室其泉居室左

右司空東織西織東園匠十六官令丞庖人都水均

官三長丞上林中十池監文中書謁者黃門鈎盾尚

方御府永巷內者宦者八令丞諸僕射署長中黃門

皆以文屬焉武帝更考工室為考工左弋為飲飛居

室為保宮其泉居室為昆臺永巷為掖廷成帝更中

書謁者為中謁者令置尚書省東西織為織室東漢

有侍中比二千石主侍從贊導顧問應對駕出則參

乘有僕射或置或否又中常侍千石尚書六百石分

四曹常侍侍郎三十六人四百石尚書曹主公卿二

于石曹主郡國民曹主吏民客曹

主夷狄外國文客曹分南北焉

中尉秦官掌徼循

京師宮外戒御非常水火之事駕出則前武帝更名

執金吾

兩丞候司馬千人屬官有中壘寺互治水武

卑都船有令丞都船武庫有三丞中壘兩尉

又武道左右中候候丞及左右京輔都尉尉丞兵卒

皆屬焉緹騎二百人衛尉主南軍中尉主北軍具軍

制九卿而下太子屬太傅尊重不領官少傅領其屬

主輔導太子而詹事掌太子宫大長秋掌皇后宮皆

倣天子內朝設之焉太子太傅一人少傅一人屬官

有太子門大夫庶子洗馬舍人

東漢太子禮太傅如師又有太子率更令主更直太

子家令倉令食官令僕廐長中盾衛率焉詹事真二

千石有丞屬官有太子率更家令丞僕中盾衛率尉

廐長丞中長秋屬私府永巷倉廐祠祀食官令長丞

諸宦官皆屬焉成帝省詹事并屬大長秋長信詹事

官掌治京師。景帝分左右內史。太初中。右內史更名

京兆尹。左內史更名左馮翊。主爵都尉。故掌列侯。改

名右扶風。治右內史地為三輔治民。而列侯屬大鴻

臚。京兆尹屬有長安市厨兩令丞。都水鐵官兩長丞。左馮翊屬有廩犧令丞尉。左都水鐵官雲壘長安

四市四長丞。右扶風屬有掌畜令丞。有都水鐵官廐。癰厨四長丞屬焉。自太子太傅至右扶風。秩皆二

千石丞。六百石。司隸較尉。持節從中護軍都尉。都官徒。察三

輔三河弘農大姦猾巫蠱。靖京師。城門較尉。中壘等

八較尉。奉車都尉。掌御乘輿。駙馬都尉。掌駙馬屬焉。

詳具軍制中。蓋漢公三等。太師太傅太保為上公。丞

相太尉御史大夫為三公。大將軍驃騎車騎將軍為

比公。卿三等。前後左右將軍為上卿。奉常至少府凡

九官為正卿。執金吾至三輔為倍卿。其侍中左右曹

諸史散騎中常侍給事中皆加官。所加或列侯將軍。

卿大夫而下皆上特恩。無常員。自京輔外分為十二州。

初放秦設監御史。分刺諸州。不常設。武帝定置州刺

史一人。秩六百石。周行郡國。察治狀。黜陟能否。斷寃

獄。以六條條察諸州。一條。強宗豪右。田宅踰制。以強

奉詔書。遵承典制。倍公向私。旁詔爭利。侵漁百姓。聚

斂為姦。三條。二千石不恤疑獄。風厲殺人。怒則任刑。

喜則淫賞。煩擾刻暴。剝截黎元。為百姓所疾。山崩石

裂。詆訛言。四條。二千石選署不平。苟阿所愛。蔽賢

帝更爲牧。秩二千石。建武復刺史。建安復爲牧。凡州

所監都。爲都置尹。一人、二丞、一他郡置守。一人、二丞。

一邊郡丞爲長史。而郡尉佐守。典武職甲卒。秩比二

千石。亦有丞。景帝更郡守曰太守。更郡尉曰都尉。武

帝時復置關都尉。農都尉。屬國都尉焉。縣萬戶而上。

爲置令。掌其治。秩千石。至六千石。萬戶而下置長。秩

五百石。至三百石。皆有丞尉。他十里一亭。亭有長。十

亭一鄉。鄉有三老。有嗇夫。游徼。三老掌教化。嗇夫職

聽訟。收賦稅。游徼巡賊盜。大都漢設官尚簡。無冗員。

治尚久任。少伺察。爲近古。而諸侯王國有大傅。輔王。

內史治國民。中尉掌武職。相統群卿大夫。如天子都
官儀。漢制有爵。有職官。又有加官。自公士至徹侯。凡

二十級。曰爵。爵一級曰公士、二上造、三簪、四不更、

五大夫、十左庶長、十一右庶長、十二左更、十三中更、

十四右更、十五少上造、十六大上造、十七駟車庶長、

十八大庶長、十九關內侯、二十徹侯。避武帝諱曰通

侯。亦曰列侯。改所食國令長名相。有家丞。門大夫。庶

子。自丞相御史而下。中朝外朝官。下至守令丞。曰職

官。凡吏秩比二千石以上。皆銀印青綬。光祿大夫無

秩。比六百石以上。皆銅印黑綬。大夫博士御史謁
者無秩。比二百石。其二千石而上。有比者。真者中者。
以上皆銅印黃綬。其二千石而上。有比者。真者中者。
它官皆有試者。行者守者中二千石。京朝官最尊。真
次之。比又次之。守爲遷擢。行爲權攝。試則試職。必滿

歲稱乃爲真。而漢世官吏多久任。惟邊吏三歲一更。均勞逸焉。魏晉而降。時有更改。無慮皆沿漢舊。梁武受終。頗定諸卿之位。分配四時。宇文周始用蘇綽議。倣周禮文。建六官。非久而隋廢之。以謂用近代爲當然。毋爲賢遠循爲也。蓋道散久矣。唐沿隋舊。武德初定令。以大尉司徒司空爲三公。尚書門下中書爲三省。尚書省掌典。領百官。統會衆務。以舉持繩目。門下省掌侍從獻替。總典吏職。中書省掌釐度百揆。敷揚宣勞。尚書令中書令侍中爲之長。以和萬邦。弼庶務。尚書曰都省。門下爲左省。中書爲右省。有軍國大事。則

中書出命。門下封駁。尚書受而行之。蓋析一相而三。

次小三省。次一臺九寺五監十二衛。若東宮屬藩王

府屬。爲京職事官。州縣鎮戍岳瀆關津。爲外職事官。

以開府儀同三司。

本先漢以司馬司徒司空爲三公。曰三司。和帝尊元舅車騎將軍鄧

騭班同之而各

至文林將仕郎。爲文散官。鎮軍將軍而下。爲

武散號。備一代之制。貞觀中。天子本周官立太師太

傅太保。主論道經邦。曰三師。官三公上。以無其人則

闕。多不置。而三省隆重。又天子嘗爲中書令。臣下避

讓。不敢當。兩省長亦不以時授。於是左右僕射遂長

尚書省。文皇帝嘗語僕射言。卿等當洞開耳目。訪賢

才爲弘益。諸尚書細務委兩丞。惟寬濫大故。當白奏者。乃關審。蓋重相如此。已。又思相重大難任。思爲官擢人。毋沿資。於是常以它官行相事。杜淹以御史大夫。魏徵以守秘書監。蕭瑀以特進。劉洎以黃門侍郎。及戴胄侯君集之倫。並得稱參預機務。稱參議。稱參知政務。司政本。於是忠智貞良之臣。密勿謨議於內者衆。無相之銜。效相之職。而獻替啓沃。垂方冊爛然。以能朝無秕政。號稱太平。則集材並用之效也。其後李勣以詹事。蕭瑀以宮保。同中書門下三品。而同三品之名昉焉。謂侍中中書令。爲唐真相。官皆正三品。此同之也。僕射靖以疾

請避位。拜特進。就第。詔疾少間。二三日一至門下中書。平章政事。而平章政事之名始於此。後代平章軍國重事之制亦昉此。至永淳中。郭待舉岑長倩始以平章政事入銜。而終唐世。卽僕射侍中中書令獨名銜。必同平章事。乃爲真相不改矣。開元中。建左右丞相。命左丞相說。右丞相璟。同日上。上賜宴賦詩寵之。然罷知政事。爲丞相亦獨爲名高。天寶元年。更門下爲左相。中書爲右相。非久罷。其後天下多難。天子以官賞功。而節鎮盛強。皆得以僕射侍中三公。同平章事爲名銜。示崇寵。雖非實秉鈞。而名實紊亂極矣。武

德中。詔置脩文館于門下省。後改弘文館。教授課試生徒。如國子。學生以皇宗總麻已上親充。開元中。詔寫四部書置乾元殿。更名麗正脩院。已。又改集賢院。中書選耆儒負夙望者。侍講讀其中。貞觀中。置史館。門下省。已。徙中書。掌國史。以宰相監脩。與弘文集賢稱三館。玄宗初。置翰林待詔。稱禁林。掌四方奏疏批答。及應和文辭。以張說陸堅張九齡為之。已。又以中書務劇多抑壅。乃選文學士。號翰林供奉。與集賢院學士分掌內外制。乾元中。召名儒為學士。入草制。號北門學士。而翰林掌內命。選用益重。於天子益親。與謨議。

至號稱內相。目以為天子私人。無定員。內宴居宰相下。憲宗時。又增置學士承旨。蓋古中書尚書黃門。既任端揆。稱政府。則內廷密勿。啓告出納之枋。當必有所歸。亦其勢也。而館閣翰林握輿樞。始此矣。勢之推移。曷足怪焉。初太宗悼末世官冗國費之弊。追覽古唐虞建官惟百。夏商官倍用。又之典。省中外官。定制。視夏商又加倍。為六百四十有三員。喟然曰。吾以此待天下賢材足矣。蓋釐庶官意至遠。而制不可考。然其時。業已有員外之置。已。又有特置。同正員之屬。至武后革唐為周。服色官名。一切盡變。迨神龍。復有簡

較攝判知之官。至景龍。復有斜封墨敕官。而制亂斯極。貞觀之遺意盡矣。開元初。天子實始感周典六官之盛。慨然歎。手寫六條。曰理典。以高宗諱治。稱理。教典。禮典。政典。刑典。事典。付集賢院。命張說陸堅等定官制。令取衷於周官。而臣下莫能遵明。書久不上。又久而意怠。至二十六年。唐六典始克成。相林甫上之。以三省舉綱維。御史臺肅庶僚。九寺五監理群司。六軍十二衛嚴禁衛。詹事府春坊三寺十率禪輔儲宮。牧守督護臨畿外。設官以經之。置使以緯之。甚具。而是時天子亦既倦勤。林甫獨專國。卽三省官。未嘗一日得其

職。而六典獨具文。乃六典設官。則議者頗疵其繁複。司農少府。戶部之任也。太常宗正。禮部之職司也。大理刑也。府衛兵也。鴻臚光祿。禮部之膳部主客也。衛尉太僕。兵部之駕庫也。將作少府。軍器都水四監。咸宜隸兵工。而設官不弁。是臯陶垂契。伯夷伯益伯冏之職。皆析之為二。為三四也。宋儒呂祖謙。以為官冗

莫甚於唐。

內官至二千五百有奇。外郡縣官九千九百有奇。

而後代顧。以唐

六典為本周禮六官之遺。亦太褒矣。

唐志。一三師三公。太師太傅太

保為三師。天子所師法。太尉司徒司空。與天子論道之官。皆無人則缺。大祭祀。太尉亞獻。司徒奉俎。司空掃除。無人則攝者行。尚書省。尚書令一人。漢少府屬。唐正二品。龍朔改尚書省曰中臺。尚書令曰太常

伯、侍郎曰少常伯、光宅改尚書省曰文昌臺、曰都省
垂拱曰都臺、長安曰中臺、左右僕射各一人、漢自
侍中尚書博士謁者皆有僕射、或曰重射、或曰非也、
禮君疾、僕人師扶右、射人師扶左、取近君而名、唐從
二品、龍朔改左右匡政、光宅曰文昌、左右相、開元曰
左右丞相、天寶復、左右丞各一人、正四品、其屬有
六尚書、畧擬周六卿、吏部、戶部、禮部、左丞、總焉、左司
郎中、貳之、兵部、刑部、工部、右丞、總焉、右司郎中、貳之、
從五、左右司各有員外郎、從六、一人、有都事、從八、六
人、主事、從九、六人、隋尚書省有諸司郎及承務郎、武
德改諸司郎為郎中、承務郎為員外郎、貞觀復置左
右司郎中、龍朔改左右丞曰左右肅機、郎中曰左右
承務、諸司郎中曰大夫、後復有令史、各十八人、書令
史各三十六人、亭長各六人、掌固各十四人、吏部
尚書一人、正三、晉魏官、侍郎二人、正四品、其屬四、曰
吏部、曰司封、曰司勳、曰考功、凡中外百司之事、錄所
屬者皆質正焉、吏部郎中二人、掌天下文吏班秩、品
命、凡叙階二十九、從一品曰開府儀同三司、正二品
曰特進、從二品曰光祿大夫、正三品曰金紫光祿大
夫、從三品曰銀青光祿大夫、正四、從四、正五、從五、又

各分上下曰政議、通議、大中、中散、朝議、朝請、朝散、皆
大夫、正六、從六、正七、從七、正八、從八、正九、從九、亦各
分上下曰朝議、承議、奉議、通直、朝請、宣德、朝散、宣議、
給事、徵事、承奉、承務、儒林、登仕、文林、將仕、皆郎、蓋周
官九命、以命計、漢自中二千石、至百石、凡十六等、以
祿計、後魏置九品、品各置從、自四品以下、品分上下、
凡三十階、以品計、隋唐因之、凡叙階、有以封爵、有以
勳庸、有以資蔭、有以秀孝、有以勞考、有以除免、復授者
皆循法、以叙、毋枉冒、凡八、三品、五品者、皆待別制、進
之、凡文武百僚、班序、官同者、先爵、爵同者、先齒、程其
移疾、省覲、致仕之節、給其假、寧、行李之命、諸簿、書、景
跡、功、賞、賤、雪、皆與員外郎分而理焉、一掌流、外銓、凡
未入仕而吏、京司者、復分九品、較試銓、注、員外郎、二
人、從六、一掌選、院、覈、選人、解、狀、籍、書、資、歷、考、課、上、三
銓、一掌曹、務、簡、試、主、事、四、人、司、封、郎、中、一、人、隋、名
主、爵、員、外、郎、一、人、掌、邦、九、等、之、封、爵、王、正、一、品、食、邑
一、萬、戶、郡、王、從、一、食、五、千、戶、國、公、正、二、食、三、千、戶、郡
公、從、二、二、千、戶、縣、公、正、三、一、千、五、百、戶、縣、侯、從、三、一
千、戶、縣、伯、正、四、七、百、戶、縣、子、從、四、五、百、戶、縣、男、正、五、
二、百、戶、凡、內、外、命、婦、之、制、貴、妃、淑、妃、德、妃、賢、妃、金、夫

人正一品昭儀昭容昭媛充儀充容充媛金嬪正二
婕妤九員正三九美人正四九才人正五二十七寶
林正六二十七御女正七二十七采女正八凡八等
皇太子媛嬪自正三至正九七等皇姑封大長公主
從一親王女縣主正二王母妻日妃一品國公母妻
夫人三品三品以上母妻郡夫人四品若勳官一品
封母妻郡君五品若勳官三品封母妻縣君職官四
品封母妻鄉君其母邑號加太字若兩有官爵從高
主事四人司勳郎中一人員外郎二人掌國之勳
級凡勳十有二等上柱國比正一柱國比從二上護
軍正三護軍從三上輕車都尉正四輕車都尉從四
上騎都尉正五騎都尉從五驍騎尉正六飛騎尉從
六雲騎尉正七武騎尉從七皆覆定奏擬主事四人
考功郎中一人隋官掌內外文武官吏之考課以
四善二十七最省較而上下之具任官志死則騰其
謚議員外郎掌貢舉已屬之禮官主事三人
戶部魏度支隋民部永徽中改戶部尚書一人左右
侍郎二人掌天下戶口土田之政令凡徭賦職貢經
費賑給之方藏貨贏儲之筭悉咨之其屬四曰戶部

日度支日金部日倉部凡中外百司之事由於所屬
者皆質正焉戶部郎中二人員外二人主事四人掌
領天下州縣戶口之籍任土所產爲貢賦之差分十
道總之定天下職事官田諸州縣公田民永業口分
田及租庸調之制若其優復蠲免及山陵廟邑之守
度支郎中員外郎各一人主事二人掌度支國用租
賦少多之數物產豐約之凡水陸道路之利歲計其
所出而支其所用凡物之措者與地之近者以供御
其物之固者與地之遠者以供軍皆料其時日衆寡
好惡爲轉運徵歛送納而準程焉凡和而糴皆量其
貴賤均天下之貨以利於人金部郎中員外各一
人主事三人掌天下庫藏出納金寶財貨之節權衡
度量之制皆總其文籍而頒之倉部郎中員外郎
各一人主事三人掌天下租稅祿廩若軍儲之出納
義倉常平倉之儲蓄焉禮部後周官晉祠部尚
書一人侍郎一人掌禮儀祠祭藏饗貢舉之政令其
屬四曰禮部曰祠部曰膳部曰主客凡中外百司之
事歸於所屬者皆質正焉禮部郎中員外郎各一
人主事二人掌禮樂學較衣冠符印表疏圖書册命
祥瑞鋪設之事及百官宮人器葬贈賻之數吉禮儀

五十五賓禮六軍禮二十三嘉禮五十凶禮十有八
 皆舉儀制而辨其名數祠部郎中員外各一人主
 事二人掌祠祀享祭天文刻漏國忌廟諱卜筮醫藥
 僧尼之事膳部郎中員外郎各一人主事二人掌
 郊廟之牲豆酒膳之品數廩犧之滌養省閣太官之
 邊豆簠簋錮登良醑之酒醴尚食之珍羞關焉
 客郎中員外郎各一人主事二人掌二王後及諸蕃
 朝貢饗燕之事兵部尚書隋官晉五兵尚書一
 人侍郎二人掌天下軍衛武官選授之政令凡軍師
 卒戍之籍山川要害之圖廐牧甲仗之考悉咨之其
 屬四曰兵部曰職方曰駕部曰庫部凡中外百司之
 事繇於所屬者咸質正焉兵部郎中二人其一人
 掌考武官之勲祿品命一人掌判簿總軍戎差遣之
 名數員外郎二人其一人掌貢舉及諸雜請之事一
 掌選院曰南曹主事四人凡武職叙階二十九從一
 日驃騎大將軍正二日輔國從二日鎮軍正三日冠
 軍蕃官曰懷化皆大將軍從三日雲麾蕃官曰歸德
 皆將軍其正四從四至正五從五又各分上下曰忠
 武壯武宣威明威定遠游騎游擊皆將軍正六從六
 至正九從九亦各分上下曰昭武振威致果翊麾宣

節樂武仁勇陪戎上皆曰較尉下皆曰副尉凡懷化
 歸德將軍量配於諸衛餘兵部定其番第職方郎
 中員外郎各一人主事二人掌天下地圖及城隍鎮
 戍烽堠之數辨其邦國鄙都之遠邇及四夷之歸化
 者凡地圖委州守三年一造與版籍偕上每外夷蕃
 客至鴻臚訊其山川風土為圖奏焉駕部郎中員
 外郎各一人主事二人掌邦國之輿輦車乘及天下
 之驛傳廐牧官私馬牛雜畜之簿籍辨其出入闡逸
 之政令司其名數庫部郎中員外郎各一人主事
 二人掌邦國軍州之器械儀仗朝會之陳設祠祭喪
 葬之羽儀給焉刑部隋官魏都官以漢曹郎掌
 中都水火盜賊詞訟而名尚書一人侍郎一人掌天
 下律令刑法及徒隸按覆讞禁之政令其屬四曰刑
 部曰都官曰比部曰司門凡中外百司之事由於所
 屬者咸質正焉刑部郎中員外郎各一人主事四
 人掌舉憲典而辨其輕重具刑法志都官郎中員
 外郎各一人主事二人掌配沒隸及簿錄俘囚給衣
 糧藥餌理訴競雪免凡公私良賤必周知之比部
 郎中員外郎各一人主事四人掌勾會內外賦歛經
 費俸祿贖徒役課程之通及軍器械器和糶屯收

之入、司門郎中、員外郎各一人、主事二人、掌門關
 出入、在來之籍賦、而審其政令、工部、隋官、晉宋
 起部尚書一人、侍郎一人、掌天下土田、山澤之政、余
 其屬四、曰工部、曰屯田、曰虞部、曰水部、凡中外百司
 事、悉於所屬者、咸質正焉、工部郎中、員外郎各一
 人、主事三人、掌城池之脩濬、諸土木之繕葺、工匠之
 程、咸經度之、下少府、將作、役焉、屯田郎中、員外
 郎各一人、主事二人、掌天下屯田之政令、及京文武
 職田、諸司公廨田、以其品給焉、虞部郎中、員外郎
 各一人、主事二人、掌天下虞衡、山澤之利、而辨其時
 禁、京都、衛、闕、苑、園、草木、及百官蕃客、時蔬、薪、炭、供、頓
 畋、獵之事、水部郎中、員外郎各一人、主事二人、掌
 天下川瀆、陂池之政令、導達溝洫、堰、決、河、渠、凡舟楫
 漑灌之利、舉焉、叩尚書、各以其屬屬於尚書令、
 門下省、古常伯、常任、漢加官、後屬少府、侍中二人
 正三、掌出納、帝命、緝熙皇極、總典吏職、贊相禮儀、以
 和萬邦、弼庶務、凡軍國之務、與中書令參焉、凡奏抄
 奏、彈、露、布、若議表、狀、皆審署、申覆、然後行、武德、改、納
 言、龍朔、改、門下省、曰東臺、侍中曰左相、光宅、改、納言
 垂拱、改、省、曰鸞臺、開元、曰黃門省、侍中曰監、天寶、曰

左相、後復黃門、侍郎貳之、二人、正四、給事中、四人、正
 五、品、上、掌侍、上左右、分判省事、凡百司奏抄、侍中、審
 定、已讀、而署之、有違駁、正、凡制、勅、宣、行、大事、覆、奏、小
 事、署、行、不、便、封、繳、上、有、錄、事、四人、從七、主事、四人、從
 八、令、史、書、令、史、田、庫、令、史、傳、制、亭、長、脩、補、制、勅、匠、掌
 固、役、焉、左散騎常侍二人、正三、諫議大夫四人、正
 五、皆、掌、侍、從、規、諷、備、顧問、左補闕二人、從七、左拾遺
 二人、從八、掌、供奉、凡、發、令、舉、事、有、不、便、時、合、道、者、大
 事、廷、議、小、事、上、封、賢、良、忠、孝、遺、滯、不、上、聞、則、條、狀、薦
 之、起居郎二人、從六、掌、錄、天子、起居、付、史、官、典、儀、二
 人、從九、掌、殿、上、贊、唱、及、張、殿、庭、版、位、之、次、城、門、郎、四
 人、從六、掌、京城、皇城、宮、殿、諸、門、之、開、闔、非、時、者、有、幾
 符、寶、郎、四人、從六、掌、天子、八、寶、及、國、之、符、節、
 中書省、中書令二人、漢官、唐正三品、掌、軍、國、之、政
 令、釐、萬、邦、度、百、揆、凡、軍、國、之、務、與、侍、中、參、而、總、焉、凡
 制、冊、勅、皆、審、署、申、覆、然、後、行、武、德、三、年、改、內、書、省、龍
 朔、改、西、臺、中、書、令、曰、右、相、光、宅、改、鳳、閣、令、曰、內、史、開
 元、改、紫、微、省、令、曰、紫、微、令、天、寶、曰、右、相、大、曆、復、中、書
 中、書、侍、郎、貳、之、正、三、中、書、舍、人、六、人、正、五、掌、侍、從、參
 議、表、奏、凡、詔、旨、制、敕、璽、書、冊、命、皆、按、典、起、草、進、既、下

署行之禁漏洩稽緩違失妄誤百司奏議考課預裁
焉以久次者一人判省雜事一人知制誥六人分押
尚書六曹佐宰相事同署乃奏主事四人從七錄事
四人從八隸焉令史書令史而下具如門下省右
散騎常侍二人右諫議大夫四人右補闕拾遺各六
人職掌於門下省同居舍人二人掌錄制誥德音
備記言之制付史官通事舍人十六人從六掌朝見
引納及辭謝者三省外以省稱者曰秘書曰殿中曰
內侍秘書省有監從三有少監二人從四品上有丞
一人從五有屬掌經籍圖書領著作局司有郎一人
從五有佐郎二人從六有較書正字各二人正九掌
撰碑誌祭文司天臺有監一人正三有少監正四有
丞正六掌天文曆數其屬有春官夏官秋官冬官中
官官各有正副有五官保章正五官靈臺郎有監候
挈漏司曆司辰之官隸秘書○殿中省有監從三有
少監從四有丞從五掌天子玉食醫藥服御幄帟輿
輦次舍之政令屬有六曰尚食曰尚藥曰尚衣曰尚
乘曰尚舍曰尚輦左右仗闕廐有使押五坊監供時
狩焉○內侍省有監從三有少監從四掌內侍奉宣
制令有內常侍內給事內謁者寺人有宮教博士

官其屬有六局曰掖庭曰宮闈曰奚官曰內僕曰內
府曰內坊亦有各令丞而內坊局隸東宮上三省多
古冢宰之屬署在省闈故具以省名

○御史臺御史大夫一人正三品掌刑憲典章之政
令糾官邪肅正朝列中丞爲之貳其屬三曰臺院曰
殿院曰察院臺院侍御史六人從六掌糾舉百僚及
入閣承詔其久次知彈奏者於殿中監察以下簡其
良改轉臺內事悉主之曰臺端殿院殿中侍御史九
人從七掌殿庭供奉糾會朝儀分左右廵察京師察
院監察御史十五人正八分十道察廵州縣各察其
所廵之不法者糾視刑獄審軍戎功賞諸祭祀營作
太府出納皆分察焉尚書省會議亦監其過謬御史
大夫不除常以中丞長臺事

○九寺曰太常曰光祿曰衛尉曰宗正曰太僕曰大
理曰鴻臚曰司農曰大府皆漢官太常卿一人正
三少卿二人正四丞二人從五主簿二人從七錄事
二人從九有博士四人從七有太祝正九奉禮郎從
九協律正八領而郊社太廟諸陵太樂鼓吹太醫太
卜廩犧八署署各有令丞太常於漢奉常職掌同而
光祿實始掌酒醴膳羞於漢光祿勳絕蓋漢光祿勳

諸屬屬三省職司矣。光祿卿二人，從三，少卿二人，從四，丞二人，從五，總太官珍羞良醞，掌醞四署，署各有令丞，衛尉亦獨掌器械文物，不主兵，蓋文武判矣。衛尉卿一人，從三，少卿一人，從四，丞二人，從六，總武庫武器，守宮三署，署各有令丞，宗正、大僕、於漢官職掌同，而宗正領崇玄陵臺二署，大僕領乘黃典廐典牧車府四署，及諸牧監、大理、主刑、卿一人，從三，少卿二人，從五，正二人，從七，丞六人，從六，主簿二人，從七，後同，錄事二人，從九，獄丞四人，從九，下司直六人，從六，上評事十二人，從八，下鴻臚卿三人，從三，少卿二人，從四，丞二人，領典客司儀二署，掌四夷君長朝見，以蕃望高下為之等，掌職官器葬營給之事。司農有卿，有少卿，有丞，掌倉儲委積，領上林大倉鈞盾導官四署，及中外宮苑園池竹木諸監，上林主苑囿園池蔬果，大倉主九穀廩藏鈎盾，主陂池藪澤薪芻課養鵝鴨，導官主導擇九穀精麤米麥。太府有卿，有少卿，丞，掌財賦，總兩京都市左右藏及常平七署，署皆各有令丞。

○五監：祭酒一人，從三，司業二人，從四，掌國子經學訓

導之政，國子太學，廣文四門、律書、算、七學隸焉。監有丞一人，從六，判監事，主簿一人，從七，國子博士二人，正五，掌教三品以上及國公子若孫，從二品以上，曾孫為生徒者，助教二人，從六，直講四人，五經博士經二人，分經授教之，太學博士掌教五品以上及郡縣公子孫，從三品曾孫為生徒者，廣文館博士掌領國子生業進士者，四門館博士掌教七品以上侯伯子男子為生徒及庶人子為俊士者，律學、崇、律、令、比、書、學、崇、石、經、說、文、字、林、算、學、崇、九、章、海、島、五、曹、周、髀、算、綴、法、皆、有、博、士、助、教、掌、教、等、官。少府監掌百工，總中尚、左尚、右尚、織染、掌冶五署，及諸冶鑄、互、市、等、監，以供天子及后之服御，及郊廟圭玉、百官儀物，監有監從三，有少監從四，有丞從六，有主簿錄事，中尚尚金玉齒革羽毛，左尚車輦，右尚刀劍斧鉞甲冑鞍轡，掌冶銅鐵，將作監掌土木工匠，總左較、右較、中較、甄官等署，官如少府，左較掌營構梓匠，右較殿築塗泥丹艷，中較舟車兵仗，甄官琢石陶土。軍器監掌繕弩甲，以時輸武庫，監有監正四，有丞正七，有簿錄而弩甲分二坊。都水監掌川澤津梁渠堰陂池之政，總河渠諸津，監署監有使正五，有丞從七，有主簿

河渠署有令河隄有謁者諸津有令溝渠開塞時禁皆專之為舟渠備防

其衛府之制左右衛上將軍各一人從二大將軍各一人正三將軍各二人從三掌宮庭警衛之令督其屬之隊仗總諸曹之職務凡親勳翊五中郎將府及折衝府所隸皆制焉有長史錄事參軍各一人舍曹兵曹參軍各二人騎曹曹參軍各一人其奉軍都尉駙馬都尉無定員親衛之府五親府一與勳府二翊府二而五也府各有中郎將正四掌領較尉旅帥親衛勳衛翊衛之宿衛者而總其府事左右郎將貳焉正五亦各有曹參軍正九其驍衛武衛威衛領軍衛金吾衛皆分左右皆各有大將軍一人將軍二人職品於左右衛同並掌翊府之翊衛其外府豹騎熊渠羽林射聲飲飛番上者分配之左右金吾衛大將軍將軍掌宮城京城晝夜巡警之法以執禦非常皆各有長史及諸曹參軍而左右翊府及同軌等五十府中郎將帥其屬屬焉其左右監門衛左右千牛衛各設大將軍將軍中郎將具如上街監門衛掌諸門禁及文武官門籍千牛掌侍衛及供御儀仗千牛刀名以千牛備身而名其左右羽林衛太將軍將軍掌

統領北衙禁兵之法令督攝左右廂飛騎之儀仗為周衛無中郎將有長史而下官而景雲初置左右龍武神武軍如羽林貞元初置左右神策如龍武軍東宮官有太子太師太傅太保各一人從一品輔教皇太子少師少傅少保各一人從二為之貳太子賓客四人正三掌侍從規諫贊禮儀侍讀掌講讀擬都省詹事府太子詹事一人正三統東宮三寺十率府之政令少詹事為之貳正四有丞正六主簿從七錄事正九司直正七掌糾劾左春坊左庶子二人正四司儀郎二人正六左諭德一人正四左贊善一人正五掌侍從贊相駁正啓奏擬門下省司經典膳藥藏內直典設宮門六局總焉右春坊右庶子一人正四中舍人二人正五掌侍從獻納啓奏擬中書省通事舍人掌導宮臣辭見勞問家令率更僕寺三寺總焉而右諭德贊善大夫錄事主事設皆如左春坊司經局洗馬二人從五典經籍文學三人正六分知經籍較書四人正九正字二人從九掌較讎典膳二人掌進膳掌食藥藏和劑醫藥宮臣泄葷內直掌符璽及几案衣服諸供奉典設掌湯沐灑掃舖陳宮門掌門管鑰局皆有郎副郎有丞家令寺太子

家令、掌皇太子飲膳倉庫、領食官典倉司、藏三署、率更寺、率更令、典宗族次序、禮樂刑罰、及刻漏之政、僕寺、太子僕令、掌輿騎廐牧署、以聽於詹事、皆有丞、僕而十衛掌兵仗儀衛、視帝宿衛焉。
其親王府置傅一人、主輔導、諮議參軍、主備諮謀、糾宮僚友一人、主拾遺、補闕、文學一人、典經籍、侍讀、勸講、讀無定員、東西閣祭酒各一人、賓見賢士、有長史、司、長史一人、有主簿、記室、錄事參軍、有功倉戶、兵法士六曹、參軍、有典籤、有親事府、掌守衛、內府、掌輿騎儀衛、各置典軍、副典軍、國、有國令一人、太農二人、尉二人、丞二人、它小吏有差、諸公、王、邑司、有家令、丞、錄事、各一人、

其制諸夏方鎮。初各置大總管府。改都督府。定爲上中下等制。數更無常。其後分天下爲十道。道置採訪防禦黜陟等使。治所部。其邊方有寇戎之地。置節度使。得建節。樹六纛。總軍旅。專誅入朝。則置留後。領府

事。

有副大使。其屬有行軍司馬。副使判官。支使。有掌書記。推官。巡官。衙推官。有同節度副使。驛巡府官。

院法直官。

其觀察使。掌察所部善惡。舉政綱。團練防禦各

有使。

有副。有屬。

下於觀察使。其天子非時遣使巡行方州。

又有巡察安撫。存撫等使。無常負。又後節度使。封郡

王。兼觀察安撫。兼度支營田招討經畧使。得各置副

置屬如本使。蓋權重極。而方鎮之形成矣。安史之亂。

天子以元子爲天下兵馬元帥。以勲畧忠武大臣副

之。曰副元帥。若招討使。以專征。

各有行軍司馬。有屬。

兵罷則省。

而方鎮無慮。具三省公孤衙。其安東安西安南及北庭。則置大都護。上都護府。各置副若屬。方外夷屬焉。

京兆河南太原三府。各置牧。從一人重東西北三都。鳳

翔成都河中江陵興元興德五府。各置尹。從一人親王

典州。則歲上佐巡行。少尹二為之貳。其屬有司錄參

事四人從九功曹倉曹戶曹田曹兵曹法曹士曹參軍正七。州有刺史。從一人有別

駕。一人從四屬有長史司馬有錄事參軍有錄事亦

各有功倉戶田兵法士諸曹。而有令有丞。文學醫

學有博士。中下州刺史。設官屬亦如之。武德初。改守

為州。改太守為刺史。天寶初。改州為郡。刺史為太守。

後定郡從。京縣有令。一人正五丞二人。從七。主簿二

州為名。畿縣若上中下縣。亦各有令丞簿尉。以其地為秩

差。縣在三都城內曰京縣。城外曰畿縣。又有望縣十

五。其餘六千戶已上為上縣。二千戶已上為中縣。

千戶已上為中下。不滿千戶為下縣。軍有將。鎮有使。軍鎮二萬人以上

置司馬。戍有三

副其中關有令丞。亦各以上中下為差。上皆節唐初

下無副內侍省。制不立三品官。黃衣廩食。獨守門。傳命為峻

坊。武后時。稍增其員。至中宗彌盛。七品以上員外至

千人。然衣緋者尚少。玄宗初政。倚相姚宋。毗大政。則

高力士常左右。元之。而宋廣平召入。以不與內侍迎

謁者語。見尊重。國以大治。後升平久。財帑充富。上志

日怠。後四方奏請。皆委高力士。先省閱。乃後進。小事

專決。宇文融李林甫韋堅楊慎矜國忠祿山之倫。雖

以才寵。踵至將相。然皆以厚結力士得之。而它內官

楊君勗黎敬仁之倫。皆資寵於力士。而力士累驛

騎將軍。封渤海郡公。於是黃衣以上至三千員。衣朱紫千人矣。稱旨者輒特拜三品將軍。門施棨戟。持節。銜命使四方者。所至奔走獻遺以萬計。出監方鎮軍。持權操割。出節度使上矣。肅宗尊李輔國。至號稱尚父。德宗置護軍中尉。中護軍。典領禁兵。兩軍之壯士。舉籍爲假子。而方鎮缺帥。天子不復制置。皆禁軍大將。舉倍稱之息。賂中尉得之。至鎮則厚歛以償所貸。謂之倩帥。而坊市有宮市之擾。白晝寇奪無忌矣。憲宗任相。相臣絳始能力請出吐突承璀監淮南軍。然非久而復。武宗任相。而相德裕始能以仇士良激禁

軍語。馳自訴於上。上怒。士良始慙謝。老奴妄聞。然竟不問也。穆宗而後八世。爲宦者所擁立七君。至自稱定策元老。握親軍在肘腋。上脅天子。下賊宰相。奴戮朝士。與方鎮始好相倚。旣惡相讐。而唐亾。則政在閹豎焉。故也。宋官號各秩。無慮皆唐舊。三公三師。亦獨爲親王使相加官。其特拜者不預政。上於尚書省。其三省長官亦不授。以同平章事領相職。參知政事副焉。而中書門下尚書省。並列於外。別於禁中。置中書爲政事堂。與樞密院爲兩府。蓋析一相而二。樞密主兵。天下財賦若內府。若中外慶弔。悉三司使領焉。同

平章事。於漢爲丞相。參知政事。其御史大夫也。密院其太尉。三司使其計相也。蓋官名仍唐。而義類依倣。於古漢者如此。始宋旣代周。周舊相范質。王溥。魏仁浦。於宋祖故等夷。又新推奉。欲尊寵以填撫天下。進質侍中。溥司空。仁浦右僕射。並同平章事。爲真相。而唐有內樞密使。本奄人。掌達下章奏。宣上命令於中書。五代時崇有用宰臣兼使者。則以命帷幄。謨議臣。趙普官之。示陽下故相。慰其心。其實也。相也。後普旣秉國。天子欲置副。而難其名。問翰林承旨穀曰。古下宰相一等爲何官。對曰。於唐有參知政事。於是詔薛

居正以樞密直學士。呂餘慶以兵侍郎爲參知。不押班。不宣制。不知印。不同取旨。不升政事堂。於宣徽使院。上在殿庭。不別設磚位。於敕尾署銜名。示尊重。曾慰其心。而侵分其權。乃密院獨主兵。居久之。他官得同平章事者。乃或三二人。方鎮自五季來。爲天子所自立。專恣僭於上。無紀極。州縣辟除。鑄降皆自予。而宋祖以節使居尊極。大患之。而是時節度使以異姓領相銜在位者。不下數十人。會入朝。天子用相曾。盡召諸鎮節使宴便殿。布腹心。罷其兵。賜第進秩。奉朝請。班六曹侍郎上。尊禮之。其器亾若遷徙致仕。及遷

領他職者。命尚書郎監寺官。權知州軍事。三年代。於是闔帥外不得擅主。而州各置通判一員。軍民之政令統焉。收州將之權。大州或二人。其節鎮所領支郡。得直隸京師。所屬縣員缺。特選常參官。強幹者。往知縣事。示天下無外。王者一統。卽遠州縣邑。皆輟朝臣出守治之也。於是定考判之制。京朝省曹寺監。及外州郡百官府。並別敕往蒞。於內稱主判。於外稱奉使。卽筦庫。皆京朝名銜親其事。新進士未升朝者。以太子中允行。無出身人。以中書舍人行。咸出命於中書。而體局於前代大變矣。太宗時詔朝官奉使出州縣判知者。受代還。令中書舍人

考較年勞。品量材器。而以中書堂所下闕負。引對奏授之。曰差遣院。以舊制常參官。各以曹務閑劇爲月限。考滿卽遷。非循名責實之道。乃別敕考中外官賢否行能。課殿最爲陟黜。曰磨勘院。已廢差遣院。總於審官院。主考京朝官。而置考課院。掌考附奏諸司幕職官。而體局始定。已頗用臺臣言。改補闕拾遺爲司諫。正言爲諫官。置起居院。專左右史之職。脩起居注。送史館。置諸路提刑官爲監司。糾州縣吏治。蓋漸漸議正官名事矣。當是時。朝廷清明。君相一德。中外官大任使。若大黜陟。天子必與兩府大臣。公聽並觀。論

定而後遣兩府宣授之。百司度府出入分蒞。皆得以其職自達於上。中書樞密院為奏覆畫一下。體統正而事權通。以能官師相承。擢用宜稱。中外踐更遐邇一視。雖無定員。無專任。而人即所蒞為職司。材必慎簡。恩無濫授。官無濫冗。以遵職而課功。於治體固未有損也。仁宗時。二邊用兵。知制誥富弼言邊事繫國安危。周宰相魏仁浦實兼樞使。國初相質溥亦參知樞密。今兵興。宜令相臣得兼領密院。張方平亦以為言。於是內降令中書同議樞密院事。相夷簡。呂得象章。以內降納上前曰。即如此。恐密院謂臣為侵官。弼

曰。此宰相避事耳。非畏侵官也。夷簡得象乃不敢言邊事定。罷兼使如初。熙寧時。邊帥明趙與西人戰。中書賞其功。而密院降約束。申敕邊帥達。郭脩堡砦為

守。樞院詰貴。而中書詔褒美。中丞甫滕為上言。戰守

國大事。今中書欲戰。樞密欲守。其何以令天下。願敕兩府大臣。凡戰守除帥。議同而後下。自是兵興。中書兼密院如初。大都先宋時。三省。六曹。二十四司。九寺。五監。互以他官典領。其正官非別勅。不得治所司事。大者中書令。侍中尚書令。不得與朝政。侍郎給事。不領省職。左右諫議無常員。而起居郎。起居舍人。不親

記注之事。下者尚書丞郎而下。居其官。不知其職者。十常七八。惟內侍所掌。猶髣髴故事。六統軍。十六衛。遇大朝會。皆遣官攝事。爲容而已。諸節度使。不食本鎮租賦。藩府除授。帶都督名銜。實不行都督之事。京府及四方大鎮。有牧尹。非親王不授。諸路觀察採訪防禦團練刺史。皆遙領。率不親本州務。以位著。寓祿秩爲叙遷之資。故士人以登臺閣。禁從爲榮。以差遣煩劇爲要。而官階勳爵。無能爲重輕也。時人爲之語曰。寧登瀛。不爲卿。寧抱槩。不爲監。蓋名實抵迂。至於此。自儒臣田錫孫何楊億諸人。咸以爲言。元豐中。神

宗覽唐六典書。大善之。以爲是周官之遺也。摹以賜羣臣。慨然欲酌古今之宜。詳定官制。乃置局中書省。命翰林學士張樞密承旨張頴其事。考故實。

上。天子召對臨決。更二年乃定。所謂元豐新制也。會明堂禮成。中外臣遷叙。一用新制。而臺省部院寺監司局。咸各歸其官。已尚書新省成。帝自臨幸。召六曹長貳而下。詢所職。敕戒。於是罷平章事。參知政事。不設。獨設中書門下尚書省。如唐官。當是時。首相珪在位之日久。參政確疾其妨已。欲軼之。言於上曰。三省長官位崇高。卽唐不常置。臣等具僚承乏。不敢當。獨

以左右僕射兼兩省事足矣。於是珪以尚書左僕射兼門下侍郎行侍中之職。確以尚書右僕射兼中書侍郎行中書令之職。實始以尚書省治兩省事。而兩省始分。已乃本六典中書造命。門下封駁。尚書受成。頒行之文。已得以次相筦機務。承旨奏事。而左僕射顧以門下不得與。獨主駁奏。實擯珪而奪之權。制下。珪始知權失。而竟無以難也。而駁奏滋繁。政多所滯。留。時議者欲廢樞密院歸兵部。帝曰。祖宗不以兵柄歸有司。此有深意。不許。獨定制知院事同知院事專軍機。元祐初。左僕射光。右僕射公著。相繼柄國。乃

令三省分省治事。合班奏事。明同心共政之義。示大公。而時議頗以唐制格之。謂內降制勅。及中外復逆。皆三省合呈取旨。下。卽無所用。省審駁奏爲也。紹聖時。盡更元祐之制。獨合班奏事。踵行之不廢。則章惇爲門下。恐權適去。已而守之。新制行而確惇各以胸臆行其私。謂國有治法哉。其後蔡京旣以太師罷政。令其黨建白言。古太師太傅太保爲三公。今乃稱三師。周司徒司空爲六卿。秦太尉主兵官。今覆爲三公。非古也。宜復古。三公爲真相。立三孤。少師少傅少保爲次相。庶復周官之舊。制曰可。而更侍中爲左輔。中

書令爲右弼。尚書左僕射爲太宰。右僕射爲少宰。兼中書門下如初。罷尚書令。及文武勲官。而以太尉冠武階。於是京得以太師。三日一至都堂治事。復柄國。毒痛于天下。當是時。更開封府。守臣爲尹。牧府分六曹。縣分六案。內侍省悉倣機庭之號。脩六尚局。建三衛郎。諸皆釐然而亂。政亟行。卽官制善。無益於亂也。方宋盛時。慎重名器。趙韓王以翊戴功。文潞公以四世元老。進主師。爲異數。雖王文正旦。呂文靖夷簡。在相位二十餘年。僅止太傅。司徒去位。至太師不以授也。而京得特恩。治平初。著令。親王皇弟皇子不宜兼

三師。而於時。鄆王肅王。以皇子得真授。其餘官師。俛傳者。多至十有八人。而天子方好僊。置道階二十六級。比中大夫而下。置道官二十六等。擬館閣。稱清街。宋盛時。入內內侍省最親近。通侍禁中。官不過從六品。以二百八十人爲定員。元豐定制。議易名殿中監。神宗曰。祖宗爲此名。有深意。不許。而熙河之役。李憲得以昭宣使領熙秦軍。伐遼之役。童貫得以異姓王官。太師。梁師成官。太尉。他諸嬖倖。走馬承受。得並擁節使。蓋弊壞極矣。建炎初。改左右僕射。並同中書門下平章事。改中書門下侍郎。復爲參知政事。而三省

復爲一。乾道中本漢制。詔左右僕射爲左右丞相。定正一品。而參知樞密之設如故。左丞相不時授。右相於參知時柄國。兼樞使。則國偏安。壤迫削。故也。先宋同平章事。請老不得謝。稱平章軍國重事。或五日。或三日。一朝。一至都省堂。開禧初。韓侂胄專縱。實始以平章軍國事名官。去重則預者廣。去同則任者專。已開邊。命日一至中書。縮相印視事。而它相不復知印。賈似道踵行之。權重極。而宋亾。嗚呼。不得於道。揆法守之意。而取必於建置。其效居可觀矣。宋初同平章事爲宰相。掌佐天子。總百官。平庶政。事無不統。無常負。本唐典。稱中書門下平章事。有二人。則分日知印。押班。以丞郎

已上至三師爲之。首相承唐制。以昭文館大學士次相。以集賢殿大學士。兼修國史。參知政事。掌副宰相。毗大政。以密學士。部侍郎。充而中書門下尚書三省。各以兩制。一人判省事。不與政。其親王宰相。罷知政事。出留守。節度使。京尹。若出守判。兼侍中。中書令。同平章事者。稱使相。不預政事。不書敕。惟宣敕。除授者。敕尾存其銜。元豐新制。同平章事。參知政事。廢不設。歸三省。侍中。中書令。尚書令。以官高不除。以尚書左僕射兼門下侍郎。行侍中事。右僕射兼中書侍郎。行中書令事。爲真相。以尚書左右丞爲次相。門下省。門下侍郎。受天下成事。審命令。駁正違失。受發通進。奏狀。奏覆審駁。而頒降之。左散騎常侍。正三品。不除。左諫議大夫。從四。左司諫。正七。左正言。從七。掌規諫。諷諭。爲諫院。專言責。給事中。四人。正四。分治六房。讀中外出納。駁正稽違。糾治之。判後省事。起居郎。從六。掌記天子言動。而符寶郎。從七。二人。掌符璽。通進司。銀臺司。掌受天下章奏。進御進奏院。掌受敕及百司符牒。頒之。隸給事中。登聞鼓院。登聞鼓院。掌受文武官及士民章奏。簡院。隸諫議大夫。鼓院。隸司諫。正言。中書省。中書侍郎。掌進擬庶務。宣奉命令。

行臺諫章疏凡內外官除授承制畫旨授門下省令
宣之右散騎常侍不除右諫議大夫右司諫右正
言職掌品級與門下省同左屬門下右屬中書皆附
兩省班籍宋初置知制誥及直舍人院與學士對
掌內外制學士內制舍人外制稱兩制官制行中
書舍人正四掌行命令為制詞除授失當及非人則
論奏封還詞頭簡正諸房公事正六熙寧三年置以
京朝官充政和品崇權重南渡後序左右司上尚
書省左右僕射左右丞掌施行制命凡天下之務六
曹不能與奪者總決之應取裁者送中書省樞密院
左右司郎中正六負外郎從六掌舉正六曹號都司
亦號左右曹南渡提領樞密院都茶場其後左藏封
樞庫亦提領不係戶部經費熙寧變法置提舉修敕
令以宰執兼詳定官以待從兼刪定官制置三司條
例司三司會計司編修條例司宣和開邊置經撫房
專治邊大觀議禮置儀禮制局皆隸於都省事已
輒罷○樞密院樞密使從一品知樞密院事同知樞
密院事俱正二品樞密副使簽書樞密院事從二品
同簽書樞密院事都承旨從五副都承旨正六掌軍
國機務兵防邊備戎馬之政令出納密命以佐邦治

官制行事分隸六曹而專兵國信民兵牧馬總領仍
隸焉簡詳諸房文字從六品熙寧置計議官正八品
建炎罷御營司歸樞密院為機速房置編修官正八
熙寧置三省樞密院門有監門架閣文字有主管其
激賞庫及激賞酒庫有監○宣徽院有南院使北院
使掌總領內諸司及三班內侍之籍郊祀朝會宴饗
供帳內外應奉之儀位尊事簡勳舊若大臣罷政者
領焉官制行罷宣徽以院職事分隸省寺而使號猶
存南渡後不復置○三司使有副使有判官五代官
總國計以通管鹽鐵度支戶部三部而名曰計省鹽
鐵掌山澤之貨關市河渠軍器之事度支掌財賦出
入戶部掌戶口賦稅之籍各有使有副使判官太平
興國中分置三使淳化復一人總領已又分天下為
十道置使二員分掌曰左計曰右計三司使以兩省
五品以上及知制誥雜學士充有司輔臣出守召充
者副使以員外郎以上歷三路轉運使及六路發運
使充判官以朝官以上歷諸路轉運使提點刑獄充
三部使副使判官充職畧同其屬有三部勾院判官
有都磨勘司都主轄支收司拘收司都理欠司都憑
遞司開拆司發放司勾鑿司催驅司受事司司官各

一人、又有衙司、管轄官二人、勾當公事官二人、推勘公事一人、勾當諸司馬步軍糧料院官各一人、勾當馬步軍專勾司官一人、或朝官、或三班、兼判、熙寧中、以免役農、田水利新法、歸司農、以胄案歸軍器監、修造歸將作監、推勘公事、歸大理寺、帳司、理欠司、歸比部、衙司、歸都官、坑冶、歸虞部、元豐制、行罷三司、並歸戶部。○翰林院、翰林學士、承旨、翰林學士、俱正三、掌制、誥、敕、勅、國書、及宮禁所用文詞、乘輿行幸、則侍從、備顧問、有獻納、則請對、仍不隔班、凡命為學士、遣使就第、宣詔、召入院、上日、敕設會、從官、侑以樂、太宗飛白書、玉堂之署、賜之、徽宗書院額、曰摘文堂、蓋寵異之也、官制、行專典、內制、凡他官入院、未除學士、謂之直院、權直、淳熙中、改學士院、權直、翰林侍讀、侍講、正七品、掌經筵、講讀、備顧問、擇侍從、有學術者、為之、真宗置侍講學士、侍讀學士、舊制、經筵、賜坐、而就案立講、自仁宗始、熙寧初、欲復坐講、以議者不可、而罷官制、行廢學士、而侍讀、侍講、為兼官、必侍從以上、乃得之、資淺者、為說書、從七、紹興中、秦檜用其黨、万俟卨、以中丞兼羅汝楫、以諫議大夫兼慶元後、臺丞、諫長、暨副端正言司諫、以上、無不預經筵、兼說書者。○

其臚閣、宋初置、文明殿學士、慶曆、改紫宸殿、已為觀文殿、大學士、從二、學士、正三、班六、尚書前、寵舊相、非舊相、為特恩、資政殿大學士、學士、俱正三、寵執政、非執政、為特恩、端明殿學士、正三、待學士、久次者、樞密直學士、總閣學士、正三、直學士、從三、待制、從四、直閣正七、以厲行義、文學之士、官制、行並罷、滿歲、補外、為加街、南渡後、率以授中司、列曹、尚書、翰林學士、之補外者、權尚書、給諫、侍郎、則帶直、學士、待制、其直閣、倣元豐監司、帥臣兼之、自龍圖閣以下、各隨高下、而等差焉、龍圖閣、在會慶殿、西偏、比連禁中、奉太宗御容、御製及典籍、圖書、寶瑞之物、天章閣、在龍圖閣之北、奉真宗御容、御製、以祥符、天書、取為章于天之義、而名、而宗正屬籍、潛邸、旌節、咸安奉焉、寶文閣、在天章閣東、羣玉、藥珠、殿之北、奉仁宗御容、御集、英宗附焉、自是迄宋世、帝崩、皆建閣、閣皆有學士、直學士、待制、直閣等官、神宗曰、顯謨、哲宗曰、徽猷、徽宗曰、敷文、高宗曰、煥章、孝宗曰、華文、光宗曰、寶謨、寧宗曰、寶章、理宗曰、顯文、而政和中、始置集賢殿、修撰、正六、右文殿、修撰、從六、秘閣、修撰、從六、許內外官、為帶貼職名、○初、太宗、以史館、昭文館、集賢院、為三館、皆寓崇文院、

端拱初，即院中堂，建秘閣，擇三館，真本書籍萬餘卷，及內出古畫墨銘藏其中，狀元制科一任，還試詩賦各一，而入否，則大臣薦而試入之，凡直館閣與集賢殿修撰、史館修撰、直龍圖閣，皆館職，高等次日較理，卑者較勘、簡討，均謂館職。記注官闕，取於此，非經修注，未有除知制誥者。官制行去，館職以崇文館為秘書省，罷直館，直院秘閣為貼職，恩數而已。元祐復館職，旋廢。政和來，貼職濫及庸瑣，其名益輕。○東宮太子太師、太傅、太保，不設太子少師、少傅、少保，以宰相兼太子賓客、詹事，少詹事皆正六，執政兼太子左庶子、右庶子、左諭德、右諭德，亦不常設，以他官兼。自仁宗為太子時，即資善堂肄業，神宗升儲，始置太子侍讀、侍講，正七，天禧中置太子中舍人、舍人，從七，自是皇子就外傳，置翊善贊讀，直講從七，紹興後有說書，有小學教授等官，正八，主管左右春坊，不用儒臣，以內侍充，其太子左右衛左右司禦，左右清道，左右監左右內各，各有率副率，皆名存無職。司親三府傅長史、司馬，不除置諮議參軍、記室參軍、軍友，而諸王府官兼南北宅教授。

○吏部掌文武官吏銓試，注擬磨勘，考課封敘，勳賞。

覆謚之政令，尚書一人，從二，權尚書正三，總文武選，侍郎二人，從三，權侍郎從六，分文武選，郎中從六，員外郎四人，正七，四司六曹品皆同，司封郎二人，主封，叙司勳郎二人，主勳賞，考功郎二人，主考課，覆謚皆唐官。宋初判部事二人，以京朝官充，司封以下判司官各一人，以無職事朝官充，又有主管官告院一人，以京朝官充，淳化中廢差遣院，總於審官院，至道中罷考課院，併於流內銓，知審官院二人，御史知雜充，掌知雜充，掌節度判官以下州府判司諸縣令佐擬，注磨勘之事，流外銓掌考試，附奏諸司人吏而已，官制行始正職，掌尚書左選文臣，寄祿官，自朝議大夫職事官自大理正以下，非中書省勅授者，悉掌之，即審官東院，分中書之權，尚書右選武臣，升朝官自皇太子使職事官自金吾階衛使司以下，非樞密院宣授者，悉掌之，即審官西院，分樞密之權，係中書省樞密院除授者，雖不隸左右選，其制命誥勅，皆部行六曹郎官，並用理郡守以上資任者充，員外郎通判以下充，寄祿官高一品以上者為行，下一品者為守，下二品以下者為試，餘職準此。後諸曹尚書侍郎互置，惟

吏部備官四司郎或省或兼無常制。○戶部同唐職
司宋初以天下財計歸三司戶部置判部事一人以
兩制以上充受土貢元會陳于庭而已官制行始并
三司歸戶部尚書一人侍郎二人郎中員外郎四人
掌天下戶口土地賦稅錢穀土貢征權佐軍國之用
昏姻繼嗣及券責之訟以左曹主之常平義倉免役
伍保及農田水利之政坊場河渡之課右曹主之度
支郎二人主計度軍需金部郎二人主錢幣征權倉
部郎二人主儲積漕運皆屬司其幹當公事官元祐
置罷復無常南渡以執政領戶部罷太府隸金部。○
禮部同唐職司宋初有禮儀院與太常或併或省官
制行尚書一人侍郎一人郎中員外郎二人掌禮樂
祭祀朝會學較貢舉之政令公主以下選尚后妃親
王以下推恩宗室冠昏器葬及賜旌節冠帔旌表門
閭若圖書表疏之事皆掌之祠部郎二人主祀典道
釋醫藥主客郎二人主賓禮四夷膳部郎二人主祀
饗牲醴膳羞皆屬司邦大禮因革小則同太常寺大
則集百官議定以聞南渡鴻臚光祿併歸禮部太常
國子監亦隸焉。○兵部同唐職司宋初置判部事一
人以兩制充官制行尚書一人侍郎一人郎中員外

郎二人掌兵衛儀仗武舉四夷之官封承襲及民兵
廂軍主軍蕃軍簡閱召募配隸之政令職方郎二人
主封域圖籍駕部郎二人主輿輦驛置廐牧庫部郎
二人主鹵簿戎器然武選隸天官兵政屬樞輔職務
視諸部獨簡。○刑部同唐職司宋初置判部事二人
以知雜御史以上或京朝官充淳化中增置審刑院
知院事一人以郎官以上充詳議官以京朝官充祥
符中置糾察在京刑獄司糾察官二人兩制以上充
宮制行審刑詳議糾察悉罷歸刑部尚書一人侍郎
二人郎中員外郎各二人掌法律獄訟奏讞赦宥除
雪叙復之事分左右廳左主詳覆右主叙雪都官郎
二人主徒流配隸比部郎二人主勾覆中外場務倉
庫帳籍司門郎二人主門關津梁道路之禁皆屬司
隆興後都官兼比部司門。○工部同唐職司宋初置
判部事二人兩制以上充官制行尚書一人侍郎一
人郎中員外郎二人掌天下城郭宮室舟車器械符
印錢幣之政令屯田郎二人主屯田營田職田學田
虞部郎二人主山澤場冶水部郎二人主漕河水利
皆屬司而少府監文思院隸焉六部監門紹興置主
管架閣庫有幹辦架閣庫官宣和罷紹興復置

○御史臺同唐官宋初御史大夫不除正員為加官
 新制行不置中丞一人為臺長從三掌糾察官邪肅
 正綱紀大事廷辨小事奏彈其屬有三院曰臺院侍
 御史一人從六主貳臺政曰殿院殿中侍御史一人
 正七主儀法糾百官曰察院監察御史六人從七主
 分察六曹百官糾其謬誤官卑而入殿中監察御史
 者謂之裏行又置推直官二人推勘實十人專獄事
 祭祀朝會又設五使監之元豐罷御史裏行推直推
 勘官及五使崇寧中禁監察御史言事靖康復舊簡
 法官一人主簿一人俱從八簡詳法律勾稽簿書○
 秘書省唐官宋初置三史館新制行監一人正四少
 監一人從五丞一人從七掌古今經籍圖書國史實
 錄天文曆數之事著作郎一人從八著作佐郎一人
 正八主宰執時政記左右史起居注所書日曆會集
 修纂為一代之典秘書郎二人從八主集賢院史館
 昭文館秘閣圖籍較書郎四人正字二人俱從八掌
 較讎典籍各以職隸於長貳而太史局鐘鼓院印曆
 所算學隸焉元祐初復置直集賢院較理又置學士
 紹聖初罷政和更名右文省國史遇修纂則於門下
 別置編修院宰相一人監修修撰以京朝官簡計以

京官充元祐初各國史院紹聖復歸秘書紹興詔秘
 書修日曆各日曆所後又名史館置史館修撰尋詔
 秘書著作局專修日曆修正史則開國史院修實錄
 則開實錄院並宰臣提舉云○殿中省職掌同唐監
 少監丞簿各一人總六局曰尚食尚藥尚醞尚衣尚
 舍尚輦崇寧增置六監官又增置六尚局定供奉令
 格靖康中罷○太常寺職掌同唐宋初置判寺兩制
 以上充丞以禮官久次秩高者充別置太常禮院有
 判院事同知院事祥符中別建禮儀院輔臣主判天
 聖中省康定初置判寺同判寺始併兼禮院事新制
 行併禮儀院歸禮部太常卿一人正四少卿一人從
 五丞一人從七博士四人正八掌五禮之制度儀式
 及樂律樂舞樂章協律一人主大樂奉禮一人主奉
 幣大祝一人主讀冊俱從八郊社籍田太廟宮闈各
 有令正九郊廟祭器庫什物庫教坊所諸陵祠墳所
 皆隸焉有太醫局令從七主管從八崇寧置大晟府
 設大司樂典樂大樂令主簿協律郎事已罷南渡省
 少卿隆興省博士太醫局罷歸醫學○宗正寺職掌
 同唐宋初置判寺事二人以宗姓兩制以上充官制
 行宗正長貳不專用國姓卿少卿丞主簿各一人官

品與太常同掌叙宗派屬籍修纂牒譜圖籍建炎併歸太常紹興復置○太宗正司知太宗正事同知大宗正事掌糾合族屬訓以德行道藝有罪劾景祐始置司以皇族賢者官之熙寧置丞以異姓朝臣為之官制行仍舊稱屬記室一人教授十二人○光祿寺職掌同唐宋初置判寺事一人朝官以上充官制行卿一人從四少卿一人正六丞一人正八主簿一人從八掌祭祀朝會宴饗酒醴膳羞之事其屬有大官令主割烹翰林司主果實茗藥有牛羊司乳酪院油醋庫法酒庫內酒坊大官物料庫外物料庫紹興廢併入禮部○衛尉寺同唐宋初置判寺事郎官以上充武器庫歸內庫守宮歸儀鸞司衛尉無所掌官制行卿少卿丞簿各一人掌儀衛兵械甲冑之政令儀鸞司左右金吾衛司左右金吾使司六軍儀仗司內弓箭庫南外庫衣甲庫槍劍弓弩矢庫軍器什物庫宣德樓什物庫隸焉南渡後併入工部○太僕寺同唐宋初邦國輿馬之政分隸羣牧司騏驎院諸坊監太僕但掌天子五輅屬車給大小中祀余置判寺事一人以朝官以上充羣牧司置制置使一人兩府大臣及兩省以上充官制行卿少卿丞簿各一人掌車

輅廐牧之政令車輅院左右騏驎院天駟監鞍轡庫養象所駝坊車營致遠務牧養上下監隸焉元祐置左右天廐坊紹聖置孳生監中興後廢寺併入兵部○大理寺同唐官宋初置判寺事一人兼少卿事一人以朝官以上充詳斷官八人以京官充官制行卿一人少卿二人正二人推丞四人斷丞四人司直六人評事十有二人簿二人掌折獄詳刑鞠讞之事凡天下奏劾命官將較及大辟囚以下以疑請讞隸焉左斷刑司直評事詳斷之丞議之正審之在京百司事當推治或特旨委勘及官物應追寃者隸右治獄丞專推鞠以評事司直與正為斷司以丞與長貳為議司南渡省卿損正丞以下員○鴻臚寺職掌同唐宋初置判寺事一人以朝官以上充官制行卿少卿丞簿各一人掌四夷朝貢宴勞給賜送迎及國之凶儀中都祠廟道釋籍帳除附之禁令往來國信所掌契丹使同文館及勾管所掌高麗使禮賓院掌北蕃懷遠驛掌南蕃西蕃都亭西驛管幹所掌河西蕃在京市務司提點所隸焉南渡後併入禮部○司農寺宋初置判寺事二人以兩制朝官以上充掌供籍田九種大中小祀供奉及平糶利農之事熙寧中增置

丞簿、農田水利免役保甲等法，悉司農講行。官制行，卿少卿丞簿各一人，掌倉儲委積苑囿庫務出納之政。園苑四王津，瑞聖宜春瓊林苑，倉二十五，草場十有二。下卸司都麩院水磨務，內柴炭庫炭場隸焉。建炎併隸倉部，紹興復置。○太府寺同唐，宋初置判寺事一人，以兩制或帶職朝官充，其廩藏貿易四方貢賦百官奉給，皆隸三司。太府但掌祠祭香幣中乾神席及較造升斗衡尺而已。宮制行，卿一人，少卿一人，丞二人，簿二人。掌邦國財貨及廩藏出納商稅平準貿易之事。南北西三京左藏庫內藏庫奉宸庫祗候庫元豐庫布庫茶庫雜物庫糧料院審計司商稅務汴河上下蔡河上下鎖提舉市易司雜買雜賣場市易上下界榷貨務交引庫抵當所和劑局惠民局店宅務石炭場香藥庫隸焉。元符增丞一人，崇寧置藥局七所，建炎併隸戶部。紹興復置。○國子監，宋初置判監事二人，以兩制或帶職朝官充。直講八人，丞簿各一人，以京朝官或選人充。有正有錄，西南北三京皆置國子監，官制行祭酒一人，從四，司業一人，正六，丞一人，正八，簿一人，從八。博士十人，正八，太學博士從八，正錄正九，武學博士從八，論正九，律學博士從

八，正正九，掌學之政令。又有書庫官隸焉。大觀改辟雍，置司成司業總國子監，及內外學事，又置辟雍博士，宣和罷，南渡併歸禮部。未幾復置，乾道後祭酒司業並置，正錄不兼權，定國子博士一人，太學博士三人，正錄共四人。○少府監，宋初置監事一人，朝官充。官制行，監一人，少監丞簿各一人，掌百工之政令。度制祭祀朝會率其屬以供，文思院綾錦院染院裁造院文繡院郊廟祭器法物庫諸州鑄錢監隸焉。南渡併歸工部。○將作監，宋初置判監事一人，朝官充。土木工匠隸三司，官制行，監一人，少監丞簿各一人，掌宮室城郭橋梁舟車營繕之事。凡出納籍帳歲受而上之。工部修內司東西八作司竹木務事材場麥麩場窰務冊粉所作坊物料庫第三界退材場簾箔場隸焉。南渡併歸工部。紹興復置，乾道後臺省久次，與焉。郡邑有聲者悉除監丞簿為養資地，而營繕事府尹畿漕分任焉。○軍器監，熙寧置，領戎器以從官總判，增勾當官為之屬。官制行，監一人，正六，少監一人，從六。丞簿各一人，從八。掌繕治兵器什物，南渡併歸工部。紹興復置，東西作坊物料庫皮角場隸焉。○都水監，宋初隸三司，河渠案嘉祐置，監領之。判監事一

人同判監事一人以朝官以上充丞三人簿一人京朝官充丞治水土于外者曰外監官制行使者一人正六丞二人簿一人俱從八掌中外外川澤河渠津梁堤堰疏鑿浚治之事又有南北外都水丞各一人都提舉官八人監埽官百三十有五皆分職蒞馬事于機速非外丞能治則使者行視之街道司隸焉宣和罷南北外都水紹興歸工部○司天監宋初置判監二人以五官正充官制行罷監立太史局隸秘書省置太史令掌察天文祥異鐘鼓漏刻造曆書而正興丞為之貳五官正以下各一人

○殿前司宋初沿後周制置殿前司掌殿前諸班直及步騎諸指揮之名籍統制訓練蕃衛戍守遷補賞罰之政令凡侍衛宿衛之事後周有都點簡在都指揮使之上藝祖以受禪不復設置都指揮使一人從二以節度使為之副都指揮使一人正四都虞候一人從五刺史以上充資序淺曰主管本司公事馬步軍亦如之○騎軍有殿前指揮使內殿直散負散指揮散都頭散祗候金鎗班東西班散直鈞容直及捧日直以下諸軍指揮步軍有衙龍直骨朶子直弓箭直弩直及天武以下諸軍指揮諸班捧日舊名鐵騎改

日騎又改捧日自捧日而下曰歸明渤海曰拱聖衙日驍騎曰寧朔曰龍猛曰神騎曰驍雄曰吐渾直曰清朔曰擒戎曰步闔有都虞候指揮使都軍使都知副都知押班天武舊名控鶴自天武而下曰神勇曰雄勇曰廣德曰廣勇曰廣捷曰雄威曰龍騎皆以御龍冠之曰御龍四直有四直都虞候直各有都虞候指揮使副指揮使都頭副都頭十將將虞候自天武而下指揮分布中外多至四十員熙豐頗省併南渡增銀鎗班茶酒舊新班捧日而下增選鋒軍神策選鋒軍左右翼摧鋒軍遊奕軍中前後左右護聖馬步軍天武而下增勝捷威勝威捷全捷中前後左右軍都指揮不除則以主管殿前司一員任其事又立統制統領分任之而都虞候不復置淳熙後四廂職多虛而殿司職司有權管幹暫照管之號宋初侍衛馬步軍共一司比殿前司尤崇後馬步軍分為二并殿前號三衙而馬步二軍居殿前司下馬軍自龍衛而下曰驍捷曰雲騎曰武騎曰驍武曰廣銳曰雲翼曰有馬勁勇曰無敵曰克勝曰飛騎曰威遠曰克戎曰萬捷曰雲捷曰橫塞曰蕃落曰并州騎射曰有馬雄畧曰崇捷曰崇銳曰清澗騎射曰具僚刺負諸指

揮分布中外多者至百員熙豐頗省併南渡增損不能悉載步軍自神衛而下曰虎翼曰奉節曰步武曰武衛曰雄武曰神銳曰振武曰新立弩手曰威猛曰雄勝曰歸恩曰澄海弩手曰神虎曰保捷曰捉生曰清邊弩手曰制勝曰定功曰平海曰効忠曰川効忠曰宣毅曰建安曰威果曰効順曰棟中雄勇曰懷順曰歸聖曰順聖曰懷恩曰勇捷曰威武曰平塞弩手曰忠勇曰寧遠曰忠節曰神威曰歸遠曰雄畧曰招收曰壯勇曰橋道曰清塞諸指揮分布中外至百八十員熙豐頗省併南渡增損不能悉載云其環衛有左右金吾衛上將軍從二大將軍正四將軍從四左右衛官品同左右驍衛上將軍從三大將軍正四將軍從四左右武衛左右屯衛左右領軍衛左右監門衛左右千牛衛官品同各有中郎將郎將並為環衛官無定員悉宗室為之亦為武臣贈典大將軍以下又為武臣責降散官蓋禁兵分隸殿前侍衛司故十六衛諸將軍皆虛銜無職掌○皇城司即漢羽林唐北衙宋初置武德司掌宮城出入之禁令凡周廬宿衛之事宮門啓閉之節皆隸焉○宋初有軍頭引見司端拱中冠以御前忠佐之名掌崇班供奉及諸

州駐泊捕提之事南渡引見司掌軍頭各籍諸軍搜閱引見之事提點官幹辦官並以閣門官充乾道定額四員○客省使從五副使從七各二人掌國信使辭見宣賜及四方進奉四夷朝覲貢獻之儀受其幣而賓禮之掌其饗餼飲食引進使從五副使從七各二人掌臣僚蕃國進奉禮物之事四方館使掌受文武官及諸道慶賀起居章表東西上閣門使正六副使宣贊舍人俱從七祗候從八掌朝會宴幸供奉贊相禮儀之事諸使皆武臣崇秩用國戚世族禮均侍從與文臣館職均為儲賢才云崇寧宦官恩倖交賣員數無限制靖康詔立員額紹興定四十員乾道倣儒臣館職召試中書然後命淳熙制廉幹有方畧善武藝親民有治效及歷邊任者充慶元申嚴長官選擇之命焉○內侍省宋初為內中高品班院及內班院太宗改曰入內內侍省曰內侍省號為前後省而入內省親近通禁中有都都知副都知押班俱正六內東西頭供奉官俱從八內侍殿頭內侍高品俱正九內侍高班內侍黃門俱從九內侍省有左右班都知副都知押班俱正六以二百八十人為定其屬有御藥院往來國信所後苑勾當造作所隸焉

其合同憑繇司監官掌禁中宣索給其要驗內東門司勾當官掌譏察宮禁人物出人軍頭引見司勾當官掌供奉便殿翰林院勾當官總天文書藝圖畫醫官四局南渡後懲內侍用事之弊禁前後省使臣不得與兵將往來內侍官不得出謁及接見賓客紹興併內侍省歸入內侍省宋承五代故都汴而開封府視古京兆建官以洛陽土中而宋州本興王地也陞河南府爲西京應天府爲南京其後以大名府爲景德御戎駐蹕之地稱北京南渡後蹕杭州改臨安府稱行京其設官畧與開封同而天子廵守若親征則命親王或大臣總畱守事掌宮鑰及京城守衛填撫之開封府收從二諸府牧九州牧同尹從三少尹從六司錄參軍正功曹倉曹戶曹兵曹法曹士曹參軍俱正尹不常除置權知府一人以待制以上充尹正畿甸

之事推判官四人口視推幹分事治司錄通書六曹之案牒有司理有文學助教又有左右軍巡使判官各二人左右廂公事幹當官四人崇寧罷權知府置牧一人尹一人少尹三人牧以皇子領尹以文臣充南渡臨安府尹少尹不常除置知府一人通判二人其屬有簽書節度判官廳公事節度推官觀察推官觀察判官左司理右司理司戶司法參軍各一人城外內分南北左右廂置廂官聽訟訴分使臣緝捕在城盜賊立五酒務分六都監界置兩總轄皇太子領臨安尹就東宮爲廡始藝祖懲唐

節度使任方鎮成尾大莫制也并畱後觀察團練使諸監司若防禦使刺史皆不設無定負無職司而別差官判知其事節度觀察畱後承宣使若團練使刺史以落階授者爲正官帶階官者爲遙領獨以叙武臣遷轉而充徐潞陝杭越福諸州置大都督府在上

府上牧尹不授。獨以命親王之建節者。而都督長史

掌司事。

長史闕。置知府事一人。通判一人。左右司馬。不釐務。其屬有錄事參軍。司戶。司法。司士。司理。其諮議軍事。參謀。叅議。並以從官。充書寫機宜文字。幹辦官備差遣。興元。京兆。河東。

江陵等府。稱次府。牧尹少尹。不常除。置官如上府。而

府州軍監。

州主民。軍主兵。或日非也。地小不成州。日軍。

具號。權知府州軍

事。爲民治。如異時。而州郡官法外。決刺。具糾劾。放罪。

蓋外輕甚矣。其諸路。有經畧安撫使。掌一路邊防機

速。軍民刑賞。便宜裁斷之事。而河東。陝西。嶺南。兼都

總管職。綏御夷戎。有都轉運使。掌經度一路財賦。登

耗有無。足上供。及郡縣經費。有提點刑獄公事。掌糾

察所部獄訟。舉刺官吏。稱監司。以三班使及內侍。充

走馬承受。隸經畧安撫使司。無事。歲一入奏。四方動

靜。有邊警。時馳驛上聞。已改廉訪使。熙寧變法。諸路

置提舉常平司。實掌常平義倉。免役。市易。坊場。河渡

水利之法。仍得舉刺官吏。以行法。已復熙河。命成都

買茶於熙河博馬。置都大提舉茶馬司。而茶馬司時

分合無常。其坑冶。市舶。保甲。弓箭。若諸路州縣學政。

河北。便糶。各有提舉司。邊防財用。有經制。綱運。有撥

發。輦運。二司。並振監司之體。而州縣益輕。南渡後。患

敵強國削。以外輕而軍政無統也。命宰相充大都督。

執政充同都督或執政若前相充宣撫使。王宣威靈督護諸將總諸路軍馬皆因事置。重事權其沿河沿淮沿江各以文臣開府為使武臣為副。填撫之又有招討使。王招討盜賊制置使。王經畫邊團軍而群盜受招及敵國歸正人設鎮撫使授之。而東京若西南北三京並置留守置行宮留守蓋稍倣方鎮權重為便宜矣。其敵兵退則遣使勞問民疾苦採利害為奏罷行之。曰宣諭使。四川淮東西湖廣設四總領司掌轉移辦給諸軍鎮錢糧皆時置事已旋罷。最後選宗室親王忠幹大臣為統制開府為淮江守。而國已

倣則外豈可輕哉。

宣撫司有使有副使判官有參謀參議機宜幹辦公事等官並聽奏

辟其經畧安撫使制置使有參謀參議主管機宜書寫文字幹辦公事官諸京有留守副留守有總領幹辦公事準備差使官四川增主管文字發運司有使副使判官都轉運司有使副使判官其屬有主管文字幹辦官文臣準備差遣武臣準備差使有提點刑獄公事為監司掌糾察所部獄訟及舉刺官吏之事盜賊軍器河渠保甲封椿錢穀之類悉總之其屬有辦幹公事簡法官官其常平茶馬坑冶市舶學較糶便各設司置提舉而諸邊有經制邊防財用及保甲弓箭司府州軍監置權知府軍州事掌總郡政通判為之貳而幕職官有簽書判官廳公事有節度觀察防禦團練軍事推官判官有節度掌書記觀察支使贊郡政隸焉有錄事參軍掌州縣庶務糾諸曹稽違戶曹掌戶籍賦稅倉庫受納司法掌法司理掌訟獄勘鞫焉宋初廬山白鹿洞嵩陽嶽麓應天四書院有教授訓導掌諸生課試運司長吏薦本處舉人有德藝者充熙寧詔中書門下選命于朝縣令兩赤縣令正

七畿縣正八餘縣從八總治民政有丞赤縣正八餘
 從八主簿尉兩赤縣簿尉從八畿縣及三京縣正九
 餘從九丞貳縣政簿出納官物銷注簿書尉閱習弓
 手戢姦暴州縣於人煙繁盛處設監置監官於險扼
 控禦處設砦置砦官於沿邊溪澗或蕃漢管界或數
 州數縣管界置巡簡司及巡馬遞鋪掌巡邏譏察之
 事而茶鹽酒稅場務冶鑄皆有監當官崇寧中置總
 管鈐轄司京畿四輔郡以知州為都總管仍兼副總
 管鈐轄建炎諸路帥帶都總管要郡守帶鈐轄次要
 郡帶兵馬都監以武臣為副總管副鈐轄副都監紹
 興守臣罷兼兵職副總管改路分都監各州省置不
 一建炎置御營司設都統制紹興三大將兵罷擢偏
 裨為御前統領官秩高者為御前諸軍都統制以屯
 駐州各冠軍額上恩數視三衙權任在帥臣右其屬
 有計議機宜幹辦公事準備差遣官而省置不一其
 文武諸司分房置吏中書門下省曰錄事正八三省
 樞密院曰主事正八曰令史曰書令史曰守當官尚
 書省都事正八樞密院副丞旨從八有正名貼私典
 書楷書貼書法司孔目問拆勾押驅使官胥史胥長
 胥佐府史之屬熙寧前樞密院吏遞遷都承旨蔡京

相堂吏遷中奉大夫或換防禦按察使至承宣使云
 ○階文散官二十九開府儀同三司特進光祿
 金紫光祿銀青光祿正奉中奉太中
 中散朝奉朝散朝請皆大夫朝奉
 承直奉直通直朝請宣德朝散宣奉
 給事承事承奉承務儒林登仕文林
 將仕皆郎○武散官三十一階驃騎輔國鎮國冠
 軍懷化皆大將軍雲麾歸德忠武壯武宣威明威
 定遠寧遠游騎游擊皆將軍昭武振威致果翊麾
 宣節禦武仁勇陪戎皆各有較尉副尉崇寧大觀
 政和屢有增改文自開府至廸功凡三十七階武自
 太尉至下班祇應凡五十二階內侍階十有二醫官
 階十有四凡除職事官以寄祿官品為差高一品已
 上為行下一品為守下二品已下為試品同則否宣
 和以後官高仍舊職者謂之領官卑職高者謂之視
 爵十有二王正一嗣王郡王從一國公從一郡公開
 國公開國郡公正二開國縣公從二開國侯從三開
 國伯正四開國子正五開國男從五勳十有二上
 柱國正二柱國從二上護軍正三護軍從三上輕車
 都尉正四輕車都尉從四上騎都尉正五騎都尉從

百步一維
 卷之三
 五十七

五、驍騎尉正六、飛騎尉從六、雲騎尉正七、武騎尉從七、功臣賜中書樞密臣僚曰推忠佐理協謀同德守正亮節翊戴贊治崇仁保運經邦宰相初賜六字餘官四字次加並兩字賜皇子皇親文武臣僚外臣曰推忠保德翊戴守正亮節同德佐運崇仁協恭贊治宣德純誠保節保順忠亮竭誠奉化效順順化初賜四字次加兩字賜諸班直將士禁軍曰拱衛翊衛衛聖保順忠勇拱極護聖奉慶果毅肅衛加兩字

我
太祖高皇帝受

天命神聖。臣下莫能及。卓然獨覽古三公論道。六卿分職。續其意於三代。兩漢之上。鑒秦始皇建丞相專權橫放之禍。罷中書府。以五府六部。都察院。通政司。大理寺。分理度政。而統於一尊。倣太尉樞密院。置五府。倣

六官置六部。列六部於九卿。俾輻輳並進。以翼戴

天子而峻臣下奏請復立丞相之刑。

洪武元年

上既卽位。改中書省左右相國為左右丞相。左右丞各一人。參知政事二人。以宣國公李善長為左丞相。兼少師。統六部事。三年。召山西參政楊憲為右丞相。陝西參政汪廣洋為左丞。已善長封韓國公。進太師。廣洋封護軍。忠勤伯。後憲善長皆不得其死。廣洋惟庸。被誅。

上坐奉天殿。敕文武羣臣言。自古三公論道。六卿分職。自秦始皇置丞相。而亾。漢唐宋因之。雖有賢相。然多小大專權亂政。我朝罷相。設五府六部。都察院。通政司。大理寺。分理天下庶務。彼此頡頏。不敢相壓。事皆朝廷總之。所以穩當。以後嗣君不許立丞相。臣下敢有奏請設者。文武羣臣。即時劾奏。處以重刑。

制太師太傅太保曰三公。正一少師少傅少保曰三孤。從一侍左右備顧問。

咨機務。無定員。無專授。不置府。獨為勳戚文武大臣兼官。加官贈官。文官惟贈得三公。不生受。○乃立宗

人府令。正一品。掌皇九族六親之屬籍。時其玉牒譜

系。辨昭穆親疎之數。登下其名。封生卒。宗室子女

適庶。名封婚嫁謚葬之。奏請達材能。錄罪過。而左

右宗。正宗人為之貳。經歷主文移。○乃立吏部。部尚

書一人。正二品。主天下官吏選授勳封考課之政令。總

司政本。公制置黜陟以贊于

天子。侍郎為之貳。左右二人。正三品。其屬清吏司四。日文選。曰

驗封。曰稽勳。曰考功。司各置郎中。一人。正五品。負外。各一

五。主事。文選考功各二人。驗封司勳各一人。正六品。綜其事。司務。從五品。省署

抄目受發文移為首領官。文選掌天下文吏銓選。作

缺改調。保舉推陞之事。凡官二萬四千六百八十三人。京師一千四百七十六人。

南京五百五十八人。外二萬二千九百人。以署職試職。實授。奠年資。以裁

軍。并省兼攝。添設。註選量繁簡。以薦舉起廢。徵召達

賢。雋以帶俸。添註寄恩。冗以降調。除名。馭罪過。以官

程課吏治。以寧假。悉人情。凡入選。釐流品。平注擢。毋

得相先後。凡陞必滿考。不待滿考。曰推陞。類推上一

人。取旨。單推上二人。三品以上九卿。及僉都御史

祭酒。廷推上二人。或三人。內閣吏部尚書。勅推

上二人若四三人至五六人唯

上命乃其後制王官不外調王姻不內授大臣之族不得任科道僚屬有族人下避上傳陞乞陞者許執奏納粟馬銀不得銓府佐州縣正官驗封掌封爵襲蔭褒贈及吏筭之事凡公侯伯勲烈外戚恩澤及闕里大宗各徵其誥券適孽功罪封號以第其世流降除之等以土流馭夷官以誥勅授封贈以進階馳封加贈追奪勵愆良以蔭叙錄任子以等級給散官以考撥差胥筭以須知訓入官稽勲掌勲級名籍喪制之事凡文官五品上始授勲百官黃類登之內府有

故則除之凡三年罷解職糾奪喪禁短喪謫匿舉欽天監奔喪三月復父母老七十鮮兄弟得終養更名名有諱復姓無漏役名姓更復必登版考功掌官吏考課黜陟之事凡內外官三年初考六年再考引請九年通考奏請大臣不註考京官五品下巳亥年考不職者除名冠帶閒任致仕有差留用者降調四品上自陳外官辰戌丑未年考不職者如之內外官有劾章若大臣自陳下者品其良不肖擬去留聽

上王官考察如京官倉場庫官一年考廵簡三年考教官及流外冗官九年陟無過一等惟舉人教官得引

選試陞陟無等。京官七十。外官六十五致仕。其乞致仕者不限年。諸請葬祭贈謚蔭。必按其滿考被劾與否。傳公議以聞。以閑劇量殿最。以旌異廉政績。以貢舉搜遺逸。以保留達民情。以純錄懲愆過。以謫戍糾罷閑官吏。四司各帥其屬。奉其職。贊尚書之政令。而部尚書。擬地官。主天下人民。戶口田賦征役經費之政令。經鹽法邊儲金穀出納之制。以贊于

天子。侍郎二人為之貳。司務。照磨。簡較。典磨。勘計。筭。為管領官。屬清吏司。四曰民部。主天下省府州縣之圖志。

以周知其地里。古今沿革。山川險易。土田肥瘠。寬狹。戶口物產。多寡。登耗之數。曰度支。主會計天下存留起運。若廩祿俸給之經費。曰金部。主天下魚鹽稅課。若贓罰之折收。曰倉部。主兩稅起運。倉庾之委積。已上念地曹務繁。更定為十三清吏司。司各理一布政使

司。戶口錢穀賦役課程之事。而司分民度金倉為四科。郎中。員外。主事。所添設繁簡。視所司劇易。兼直隸

府州之貢賦。贊尚書邦政焉。

戶尚書侍郎外提督倉場侍郎或尚書一人其

屬司務二人十三清吏司郎中員外郎主事添設無常負照磨所照磨一人簡較一人所屬衙門寶鈔提舉司提舉一人副提舉一人典史一人抄紙局廣積庫承運庫廣盈庫太倉銀庫各大使一人節慎庫印

鈔局寶盈局御馬倉張家灣簡較批驗所各大使一人副使一人寶鈔廣惠庫贓罰庫各大使一人副使二人甲乙丙丁戊字庫大使五人副使六人吏四十二人外承運庫行用庫軍儲倉大使各一人副使一人以版籍稽賦役以墾荒業貧民以占籍附流民以畸零寄細民以馴野馭羈縻之民以圖帳擗兼并之民以折銀劑米值以平米均田稅以布帛歛庸調以桑棗課農官以芻地給馬牧以里老攝鄉社以律誥嚴禁防以給除差優復以珍異儲上供以鈔錠節恩賞以限田裁異端以賜田懷降虜以封閉密砂鑛以金穀累贓罰以課程闡雜物以關權市船材以引繇嚴茶政以權量和市易以時估約均輸凡獻產詭產

漏產朋戶析戶逃戶有禁亂宗類淆良賤遊手遊食有禁毀鈔遏錢有禁諸王大臣毋得請常課乞閑田其大政具土田貢賦鹽漕邊儲中寶鈔提舉司若局庫倉所官悉隸焉○乃立禮部部尚書擬春官掌天下禮儀祭祀封建朝賀宴饗貢舉之政令叙辨階秩以贊于

天子侍郎二為之貳屬清吏司四曰儀制曰祠祭曰主客曰精膳儀制掌禮文宗封學較貢舉之事

天子卽位天子冠若納后若冊立皇太子若上慈宮徽號若朝賀朝見若大宴饗則舉諸儀制辨

其名數條上之。報可而令於諸司。凡傳制。開讀表箋。學較。貢舉。文移。印章。官民服舍。皆辨儀式而頒之。諸司。凡巡狩。親征。班師。策勳。行賞。第禮儀條上。凡祥瑞。辨其物名類。奏大瑞。特奏。無得請封禪。以蕩上心。以鄉飲酒。禮讀律誥。訓禮讓。以養老尊高。年。以卹貧。宣仁政。以旌表章。勸勵。以建言議。利病。以連坐。謫戍。禁官邪。祠祭。掌祭饗。獻薦。天文。國卹。廟諱之事。辨大祀。中祀。小祀之等。而敬供蠲飭。第其牲帛。配侑。從介。差其禮樂。凡王國。司府。衛所。州縣。祀典。神示。稽令。甲而播之。百司。督日官。曆象。而任其徵變。

日月食起。止分。而豫移諸司。大災異。卽聞。次類聞。並乞修省。凡國喪。若品官。庶人。器。皆辨其同姓。九族。異姓。母族。妻族。親疎之等。而爲三年期。大功。小功。總之制。傳古喪禮。損益。頒行之。凡謚。

帝。后。妃。太子。太子妃。王郡王。以字爲差次。勳戚。文武大臣。請祭葬。贈謚。移諸司。覈行能。傳公論。定議。以聞。其侍從。勤勞。死事。官品未應謚。若夷王。夷。使得特謚。凡帝。后。愍。忌。祀。於陵。輟朝。不廢務。凡天文。地理。醫藥。卜筮。師巫。音樂。籍其人。毋得以術越境。興妖妄。毋藏讖緯。玄象。凡僧道。三年一度。度必。

通經呪周知冊簡其偽昌而嚴其禁令凡雅樂屬於
祠祭太常領之俗樂領於伶人主客掌戎夷朝貢往
來宴賜之事凡番夷辨其五年三年比年年至年再
至之貢與其貢物貢途貢使豐約逕徑多寡之數王
若使至賓待之差其迎送宴勞賞賚室廬帳幕食料
之等嗣封者為請使頒冊於其國諸大酋有保塞功
者授冊郊封之以信符徵勘合以金敕諭差發以通
事譯夷情以開市平交易以折計收番貨以刑典禁
交通凡賜均賞特賞各有差凡域中歲徵其方物有
常式精膳掌宴饗牲牢酒膳之事凡膳羞珍品酒醴

光祿領之會其數程其出納凡賜宴辨職官品秩之
等凡番夷土官辨下程宴次食料多寡之等凡厨役
僉諸民次僉諸王府典膳之次者凡歲藏冰出冰
移所司謹潔之諸皆贊尚書管領曹屬官如天官司務
二人四司郎中司一人負外司一人主事各二人提
督四夷館主客主事一人鑄印局有使副使教坊司
有奉鑾左右韶舞右韶舞左右司樂○乃立兵部擬夏官尚書一人掌天
下武衛官軍選授簡練若鎮戍廐牧傳郵之政令經
戎馬之治以贊于

天子侍郎二人為之貳屬清吏司四曰武選曰車駕曰職
方曰武庫武選掌武官選陞襲替功賞之事以世官

流官定武職。以襲替優給厚武功。以管功四。戰功二。等辨武功。以減革通革清冒濫。凡歲六選官二等。曰舊官。曰新官。凡推陞勲臣。若武舉薦舉會舉。以二人請。凡將材。三歲武舉。六歲會舉。歲薦舉。皆籍而用之。以考選比試。達才而程力。以効功課將帥。以遞降練卒徒。以貼黃正圖狀。以誥勅徵初績。以褒卹勵死戰。以優養恩故絕。以引類登選簿。以殺降失陷避敵激變。肅軍機。以典刑敗倫行。劫退陣斷世祿。以寄祿馭恩倖。以覆訊糾捕緝。以詰勅辨冒偽。正土官夷官。詳具

軍制

車駕掌輿輦車乘。守衛廐牧郵傳之事。凡大

朝

賀。大禮儀。陳鹵簿大駕。常朝設陛。辨其物數而序次之。凡侍衛。殿陛全直。常朝番直。凡守衛親軍衛。畫前左右後四行。而日夜巡鑿之。皆有團伍。定其多寡。第其番之上下。慈宮。中宮之鹵簿。東宮儀仗。侍衛皆屬焉。凡馬政。受牧官籍帳。而程督其登耗闌逸之數。以營牧節芻秣。以印俵防欺冒。以色齒覈抵謾。以糧馬征南夷。以茶馬通西番。以市馬縻東夷。皆以足軍實。令京營邊鎮毋乏馬。凡傳郵。曰驛。曰遞。運所。在京師曰會同館。皆以符驗關券行之。以黃馬快船。致貢獻而練水軍。職方掌地圖軍政。城隍鎮戍。簡

練征討之事。凡諸邊腹疆界地里。遠近險易。三歲一報。官軍車騎之數亦如之。而辨其扼塞守禦之令。凡軍制。內外相維。自五府司衛所。以達夷官。各統其官軍。及部落。聽征調守衛。朝貢保塞之職。而武官不得輒下符行軍。凡城隍。以時浚築閱視。凡鎮戍。以時飭屯。防扼險要。凡將較。程其勤逸。稽其什伍存逸騎械精頓之數。教以坐作進退疾徐疏數之節。金鼓麾旗之號。凡將材。籍武舉會舉歲薦之士。而簡用之。凡有征討。請命將出師。移所司以懸賞罰。調兵食。紀功過。軍有功。按御史紀覈。移武選陞賞。以堡塞障邊徼。

以烽堠傳聲息。以清勾驗補收塚問發冒漏除豁覈冊籍。以存恤優初役。以壯快簡鄉民。以關津詰奸盜。武庫掌戎器符勘尺籍武學新隸之事。凡戎器守衛邊鎮有征。行准諸司。移工部請給。火器請內府。凡使人出邊關。必驗勘合。凡制勅調邊兵。必比勘合。勘合皆出內府。凡尺籍。衛所上缺伍圖冊。府縣上軍戶支冊。下諸省司按勾。衛所卽去府縣近。不得輒相移。凡清軍。以跟捕紀錄開伍結除停勾。嚴稽其冒漏。而寬其恩復。凡武學。教武職幼官。及子弟未嗣官者。籍其功能。歲終簡奏。六年一會舉。應文武舉者聽。怠

不率教者。罰黜有差。凡皂隸。直衙柴薪二等。辨官品

而多寡其數。金顧役。諸皆贊尚書。諸省領曹屬官如

春官。司務二人。武選車駕職方郎中各二人。武庫郡

中一人。四司員外郎各一人。武選職方主事五

人。武庫車駕主事三人。山海關職方主事一人。所屬

京衛武學有教授訓導。會同館有使有副使。大勝關

有大使。乃立刑部尚書一人。准古秋官。掌天下刑

副使。名徒隸勾覆關禁之政令。欽恤明慎。以贊于

天子。侍郎為之貳。置十三清吏司。如戶曹。主兩京十三

省之奏當。司務二人。十三清吏司。司中郎一人。員外

郎一人。主事三人。漕運理刑主事一人。照

磨所照磨簡較各一人。司獄司。司獄六人。凡宗室勲戚官吏軍民麗於法

者。詰其辭。察其情偽。傳律例而比其罪之重輕。律例

所不及者。上下附而以請。凡兩畿十三省。歲讞其死

罪刑平之。凡詔獄。必傳例請。上裁。凡應減者。下就

輕。應加者。上就重。重不得至死。凡律例有殊。旨別

勅。詔例榜例。非經請議。著令者。不得引為比。凡

死刑。即決及秋決。僉三覆奏。溢戮於市。凡贖罪。視罪

輕重為差。斬絞雜犯。從未減者。聽收贖。凡簿錄。俘囚

配沒。給賜官私奴婢。必籍知之。凡籍產。不得及其先

墳塋。凡贓罰。計估易銀。歲抄類入內府。凡獄成。移大

理寺讞評焉。凡訴冤。外內皆自下而上。急者擊登聞

鼓。凡重囚。京師歲霜降。會五府九卿科道共慮之。

以請。情真者決。矜疑者戍邊。有詞者調所司再問。
 律者監候。五歲請。勅遣官出。京府兩畿十三省
 審錄。臧釋寃濫者。凡夏月錄囚免笞刑。減徒流而下
 刑。辨重刑。凡提牢。月更主事一人。葺囹圄。固械繫。而
 時其飲食。有病醫藥之。凡官有過紀錄之。兩京歲
 杪請。勅漸除紀過。凡大祭祀止刑。凡四方有獄。受
 命而往成之。以名例攝律條。以以唯皆各其及別
 若括律詞義。以五服參情法。以墨涅識竊盜。宗人不
 卽市。宮人不卽獄。悼耄癡殘不卽訊。○乃立工部。部
 尚書一準古冬官掌天下工役農田。山川藪澤河渠

之政令。經制規畫。以贊于
 天子。侍郎二為之貳其屬清吏司四。曰營繕。曰虞衡。曰
 都水。曰屯田。營繕掌經營興造之事。凡大內宮殿。
 陵寢。城壕。壇場。祠廟。廨署。倉庫。營房之役。鳩力會財。
 而以時督程之。王邸亦如之。凡鹵簿儀仗樂器。移內
 府。及所司。各以其職治之。而以時省其堅潔。董其疏
 濫。凡置獄具。必如律。凡工匠二等。曰輪班。曰住坐。凡
 工囚二等。曰正工。曰雜工。雜工三日。當正工一日。凡
 省工。視役煩簡。而節其財力。凡會有無移內府。虞衡
 掌山澤採捕。厲禁陶冶之事。凡採捕禽獸。及革骨羽

毛以供祭祀賓客之膳羞。凡軍器軍裝移內府。及所
司歲造。或三歲二造。必程其堅緻以給邊。凡獵畋以
時。冬春之交。置罟不施。川澤春夏之交。毒藥不施。原
野苗盛。禁蹂躪。穀登。禁焚燎。若害苗稼。獸聽為陷。穿
獲之賞有差。凡諸陵山麓。不得入斧斤。開窰冶。置
墓墳。凡帝王聖賢忠義。名山嶽鎮。陵墓祠廟。有功德
於民者。禁樵牧。凡山場園林之利。聽民取而薄征。凡
陶冶瓷甕。籍其常造年造之數。計其入。慎藏之。無輒
毀。以費民。凡鑄造。審其模範。計銅鐵而鎔之。金牌信
符。鑄之內府。鑄錢當十。當五。當三。折三。小錢進內府。凡顏料。徵土產。不

蠲其所無。否則徵其直。都水掌川澤陂池泉澗。洪淺
道路。橋梁。舟車。織造。券器。衡量之事。凡水利。曰轉漕。
曰灌溉。歲儲其金石木竹卷埽。以時修其閘壩。礎淺
堰圩限防。謹蓄洩。以備旱潦。舟楫。礎礮。不得與灌田
爭利。灌田者。不得與轉漕爭利。役以農隙。凡鱗介。萑
蒲之利。聽民取而薄征。凡道路。塞其坑坎。

上巡幸。若大喪大禮。治而新之。凡橋梁。曰舟梁。曰石梁。
計工力而創修。其大津不能梁。官給舟人。量其小大。
難易而食之。凡舟車。曰大車。曰小車。曰戰車。凡三等。
曰糧船。曰黃船。曰馬快船。曰海運船。曰鮮船。曰備倭

船曰戰船。凡七等。皆會其財。下諸司酌多寡。久近勞逸而均劑之。凡織造。冕服。誥勅。制帛。祭服。淨衣。諸幣布。移內府。南京諸省。周知其數。而慎節之。凡公侯伯鐵券。差其廣高。凡祭器。冊寶。乘輿。牌符。禱器。會則於內府。凡衡量。謹較勘而頒之。懸式於市。屯田。掌屯農。墳墓。抽分。薪炭。夫役之事。凡屯田。腹邊公田。開田。沒官田。給衛所耕。劑其地力。人力。而徵其子粒。凡在邊。牛犁鐵器。官給之。凡墳塋。堂碑。碣。獸。第。宗室。勲戚。文武官之等。而辨叙其差。凡抽分。征諸商。各有差。凡薪炭。南取洲汀。北取山麓。徵諸民。有本折色。附其

多寡而撙節之。凡夫役。伐柴。轉柴。皆顧役。周知其數。而時蠲之。首領部曹官如夏官。先是部屬中書省。尚書秩三品。其後罷中書省。陞六部正二品。蓋析一相而六。設官六百有五人。分領中書之政。六部統諸省司。諸省司掌天下之務。繩井聯絡。以承事于

天子。而本周官六計主廉。部諸司皆命曰清吏司云。乃

立都察院。設左右都御史。

正二人

準漢御史大夫。設左

右副都御史。

正二人

左右僉都御史。

正四人

準古中丞。十

三省若邊防山海之重。各設都御史。若副僉都御史。以巡撫總督填馬。而鹽法。屯田。漕河。及總制征討。卽

遣尚書侍郎必兼都御史銜。便提督糾劾。時設無常

員。

都察院屬。司務二人。從九。經歷。司經歷一人。正六品。都事一人。正七。照磨。所照磨一人。正八。簡較一

人。正九。十三道監察御史。正七。河南。浙江。江西。山東。各十人。福建。廣東。廣西。四川。各七人。陝西。湖廣。山西。

各八人。雲南。貴州。各二人。司獄六人。都御史。主

天子耳目風紀之司。率其屬肅紀守法。以贊于

天子。凡大臣奸邪。小人構黨作威。福亂政者。劾。凡百官

猥茸貪冒。壞官紀者。劾。凡學術不正。上書陳言。變亂

成憲。希進用者。劾。而朝覲考察。都御史入天官臺。

司賢否黜陟之斷。大獄重囚。會鞫於外朝。或奉

旨同刑部大理寺讞平之。其奉勅內地拊循。外地

防鎮。各以其勅行事。屬十三道監察御史。主察糾

內外百司之官邪。或露章面劾。或封章奏劾。凡差在

內京畿道。刷卷。巡營軍。提學。清恤軍。巡視光祿。巡倉

庫城門。在外。巡按。清軍。刷卷。巡鹽茶。河關。印馬。屯田。

師行。則監軍紀功。各以其事專監察。而御史巡按。則

代

天子狩。轄所按。藩服大臣。若府州縣官。諸考察舉劾。尤

專。大事奏裁。小事立斷。而河南道。獨專諸內外考察。

凡朝會糾儀。祭祀監禮。凡政事得失。軍民利病。得

直言無避。凡罪囚按。巡審錄。有故出入。理辨之。凡大

獄。勅下臺推。奏當上聽。裁常獄擬罪。移評大理寺。凡有大政。集闕廷預議焉。蓋六部至尊重。然有專司。而都察院。惟所見聞得糾劾。無職司。乃憲綱。諸御史糾劾。務明著實迹。開寫年月。毋虛文。泛詆訐。拾細瑣。擢戒令慎重焉。而御史出。按復。命都御史覆其稱職。不稱職。以聞。又御史犯罪。加三等。有贓。從重論。○乃立通政司。設通政使。準古納言。使一人。正政各一人。正四。左右參議各一人。正五。膳黃。右通政一人。經歷。司經歷一人。知事一人。洪武初。為察言司。後置。王出納。上命通達下情。凡諸司出入移狀奏報。四方臣民建言。

陳恂之實封。及軍情聲息災異。皆審署參覆而上下焉。左右通政及參議為之貳。凡日常朝引奏人。凡事月類奏。歲抄通奏。凡四方兩澤。歲抄面奏。凡錯誤籍而類請之。凡在京獄訟詞狀。判選法司推問。凡出入文移。以驗正之記。日照之記。記之錄。武官黃。○立大理寺。準古廷尉。卿一人。職掌審讞。允反刑獄之政令。正三。少卿丞為之貳。少卿二人。正四。丞二人。正五。寺分左右。置左右寺。正。正六。寺副從六。評事。正七。吳元年。置洪武九年。革。十四年。復置。二十二年。陞與六部都察院。通政司。並曰大九卿。贊天子祥刑。與刑部都察院。並列為三法司。凡刑部都察院推問刑名。按律例。慮而復問。囚服乃准擬。否駁再

擬改正日照駁。三擬不當。糾問官曰：參駁。悟律寃甚者。移調問。曰：番異。再異則請下九卿會問。曰：圓審已平允。慮未當。移再問。曰：追駁。屢駁不改者。徑奏請上裁。曰：制決。凡各省三司直隸諸苑刑。並讞已。乃聽決。每歲會九卿朝審重囚。○太常寺專祭祀禮樂之司。卿一人。正三少卿二人。正四提督四夷館少卿一人。典簿二人。博士二人。神樂觀提點一人。知觀一人。協律郎二人。贊禮郎九人。司樂二十人。天壇祠祭署奉祀一人。丞二人。地壇及朝日夕月祈穀殿各一。有祠祭署奉祀一人。丞一人。長陵 獻陵 景陵 裕陵 祖陵 皇陵 孝陵 祠祭署各奉祀一人。丞一人。凡 天地神祇之祀饗。總其官屬籍其政令。以聽于禮部贊。

天子致虔。先歲孟冬。進來年祭日。

上御奉天殿受之。頒諸司。

上親祭。贊禮儀。大臣攝。亦如之。祭先期。請省牲。進版銅人。上 殿奏齋戒。凡薦新品物。光祿寺共。凡 國有冊封冠昏營繕出師。歲時有旱澇。 國有大災。請告于

郊 廟 社稷。凡親王之國。若入 朝還國。告謁辭于

廟。凡祭。滌器爨。奉香燭。玉帛。張幄。必恭潔。司九奏八奏。七奏六奏之樂。文武二舞。凡祭。掌燎。看燎。讀祝。奏禮。對引。司香進俎。舉麾陳設。收支導引。設位。典儀通贊。

奉帛執爵司尊壘洗。卿貳若屬各共其事。而提督四夷館卿掌譯書之事。以聽于翰林。諸夷館譯字生覈其繁裁倖進焉。○立光祿寺。掌祭饗宴勞酒醴膳羞之事。辨其名數。會其出入量其豐約。以聽於禮部。卿一人從三。少卿二人。正五。丞二人。從六。典簿一人。從七。錄事一人。從八。四署各署正一人。署丞四人。監事四人。司牲司牧局各大使一人。厨役久得為王。典膳。移吏部吳元年置。宣徽院後改寺。凡祭祀請豚牲。進飲福酒胙。凡薦新其品物。凡喪葬供祭物。凡牲果嘉蔬。移上林苑。其不給市諸民。視時估十加一。凡市直季支。凡貢獻果鮮厨料。省受之。凡器皿移工部。若募工兼作之。歲省其成敗。凡宴待。番夷貢。

差其等供之。凡傳奉宣索籍記而覆奏之。監以科道

官各一人。其屬四署。曰大官。供祭祀宮膳節筵給夷濟貧之事。曰珍

羞。供宮膳茶飯。良醞。供殿獻宮膳均給內外官人夷匠之事。掌醢。供祭祀齋禱茶飯上。

四署。司牲司牧二局。隸焉。○太僕古官。卿一人。從三。少卿一人。正

四。寺丞三人。正六。其屬主簿一人。常盈庫大使一人。國初寺設于滁州。及定

都設于京師。而滁山西。陝遼東。並為行太僕。若苑

馬監治馬。掌牧馬之政令。以聽于兵部。少卿則分督

京營馬。若畿馬。丞分理京衛若畿甸。及山東河南六

郡。孳牧寄牧馬。三年而更。凡馬肥瘠登耗。籍其毛齒

而時省之。三歲借御史一人。往印烙而差擇之。選其

良。凡草場歲徵其租金。國災祲出以佐市馬。凡租金恩蠲或災蠲不得兼。即蠲必轉移相抵。不得虧軍賦。而寺主簿勾省文移。常盈庫征馬金貯焉。○鴻臚

寺專朝儀朝會賓客吉凶禮儀之事。卿一人正四少卿二人從五丞

二人屬署二曰司賓。典四夷朝貢。首從辨其節。其曰司儀。典陳設引奏。鳴贊贊禮。序班侍班而齊糾其儀。○尚寶司

古符璽郎周典瑞職也。卿一人正五少卿一人從五丞三人正六職在禁

廷。守寶璽符牌印章而辨其所用。用寶奉以從。既事而藏之。洗寶與內官印綬監俱。而恩蔭寄祿無常員。

○太醫院使一人正五判二人正六吏目一人從九御醫十人正八惠民藥局大使一人副使

一人生藥庫大使一人副使一人主診。眊攻療調養之事。於周為醫

師。凡醫術十三科。醫生世專科習其業。日大方脈日小方脈日婦

人日瘡瘍日鍼灸日眼日口齒日接骨日傷寒日咽喉日金鏹日按摩日祝繇而按摩以消息導引之法除八疾祝繇以呪禁而惠民局生藥庫隸焉。凡調

御藥。同內官監視。合二服為一。候熟均二器。堂屬官

遞嘗之。內官又嘗之。以其一進御。○欽天監。主曆

數天文星紀之事。監有正。一人正五有副二人正六而分春夏

中秋冬為五官。各一人五官正。正六專理曆法造曆。司曆

監候。正九佐之靈臺郎。從七辨日月星辰之躔次分野。以

占候天文密疏聞保章正。正八佐之挈壺正。考中星旦

夜昏明之候。而漏刻博士從九佐之。凡日月星辰風雲

氣色之變異。率其屬登觀象臺占焉。臺四面。面四人。

國有大營建師旅冠昏擇日。營陵寢擇地。凡立春

先期。候氣于東郊。凡大朝賀。設定時鼓於門樓。及

期擊焉。凡日月交食。先期筭其分抄時刻起復方位

以聞。下禮部移內外諸司救護之。凡疇人世祭。立

師而教之。乏人。移禮部訪取試用。○行人司正一人

二人從七。行人正八。職專奉使之事。凡頒行詔赦。冊

止宗藩。撫諭蠻夷。徵聘才賢。及賞賜慰問。賑濟軍旅。

祭祀序差焉。凡法司謫戍囚徒。送五府者。填精徵

內府。○上林苑監。主苑囿園池畜牧種樹之事。正一人

五。左右副二人。正六。左右監丞二人。典簿一人。督其養戶。裁戶。經其養地。裁

地而畜植之。以供祭祀賓客宮府之膳羞。屬署四。曰

良牧。主牧牛。曰蕃育。主育鵝。皆籍而課其息。曰林衡。

主果實。曰嘉蔬。主藝瓜菜。皆籍而時苞進焉。洪武間。開

上林。

上以爲妨民業而止。永樂中。設今監于京師苑地。東

至白河。西至西山。南至武清。北至居庸。西南至渾河。

禁圍獵焉。諸寺司院監。各有首領官。或經歷。或主簿。

或典簿。而五軍都督府有經歷司。司有經歷都事。五

城兵馬指揮司。司有吏目。皆文銜。以至僧錄道會。亦各有品官。僧錄司左右善世左右闡教左右講經左右覺義各一人道錄司左右正一左右演法左右至靈左右玄義各一人神樂觀有提點知觀皆道士。

國初立大元帥府。已改為大都督府。已革中書省。因遂分大都督府為左右前後五軍都督。如六官。以分領軍衛。使事不畱壅。權不專于一司。左右都督各一人正一都督同人正二恩功寄祿無常員。

都督掌軍旅。各領其都司衛所。以達於兵部。而以公侯伯三等胙武功。都督府負缺於列爵中。遴其人以充。居曰軍政掌印。出充總

兵。掛印以行。設錦衣衛等上十二衛。以衛宮禁。錦衣衛

手衛。金吾前衛。金吾後衛。羽林左衛。羽林右衛。府軍衛。府軍左衛。府軍右衛。府軍前衛。府軍後衛。虎賁左衛。設畱守等四十八衛。以衛京城。上十二衛為親軍。

指揮使司。番上宿衛。無隸屬。而諸分五軍都督府轄

焉。畱守左衛。潘陽左衛。潘陽右衛。驍騎右衛。鎮南衛。龍虎六衛。隸左府。畱守右衛。虎賁右衛。武德衛。三

衛。隸右府。畱守中衛。神軍衛。和陽衛。應天衛。牧馬千戶所。隸中府。畱守前衛。龍驤衛。豹韜衛。隸前府。畱守後衛。武城中衛。神策後衛。忠義左衛。忠義右衛。忠義前衛。忠義後衛。義勇前衛。義勇右衛。大寧前衛。大寧中衛。蔚州左衛。會州衛。富峪衛。寬河衛。與武衛。鷹揚衛。神武左衛。隸後府。永樂中。設五府。各衛于北京。而改前北平三衛為金吾左右衛。為羽

林前衛。改北平都司為燕山左右衛。為大興左衛。為

濟州通州衛。是為上十衛。與騰驤左右。武驤左右。四

衛亦得名親軍重。帝茶自起焉。其武功中左右衛以匠故隸工部。其諸陵依陵設衛。衛陵廟不隸督府。亦不稱親軍。凡武職流官世官土官襲替優給優養所衛都司上之府。引奏送兵部請選。既選移府。下都司衛所。凡管領官聽吏部選授。給繇亦如之。親軍衛得直達兵部。凡武職誥勅旗役併鎗水陸步騎操練俸糧屯種器械舟車賞賜聲息軍情清勾替補邊腹畫圖貼說薪炭荆葦之事。分移所司綜理之。經歷都事典文移錦衣衛掌侍衛之事。恩功寄祿無常員。恒以都指揮都督領之。凡將軍力士較尉分

護

駕直宿巡察。凡大朝常朝。駕出入設鹵簿儀仗。凡皇城四門。日夜番直巡察之。凡盜賊奸宄街塗溝渠密緝而時省之。凡奉旨鞠獄錄囚勘事。與三法司從事。凡比試併鎗監視焉。鎮撫司掌衛刑名兼理軍匠。添設鎮撫二人。別印分司專詔獄擬成直達下法司覆。京衛皆有指揮使。正指揮同知。從指揮僉事。正衛有鎮撫。從衛統千戶所。正千戶。正副千戶。從實授百戶。六試百戶。所有鎮撫五年一廢置。日考選。戎政衛三人。所二人。百戶不能皆賢。一人兼數印。凡總

領庶務。曰掌印。曰僉書。凡分理屯田。驗軍存恤。營操守衛。皆曰見任管事。選同知僉事。正副千戶以充營官。亦如之。不任事入隊。曰帶俸。僉操。凡入營者。聽京

營文武大臣督理。南京五軍都督府。用公侯伯。中東西南北城兵馬指揮司。指揮一人。掌巡捕盜賊街道

溝渠。囚犯火禁之事。副指揮五人。貳之。吏目受事。發

展。○內官初置。內使監。有令有丞。內倉監。有令。官毋

過五品。後定為內官監門司。局庫。分職于掖庭。監十

有一。曰神宮監。掌酒掃。曰尚寶監。掌玉寶勅符。曰陵神

宮監。掌酒掃栽種。曰尚膳監。掌玉膳及宮中食用。催光

尚衣監。掌服履。鳥靴襪等事。曰司設監。掌車輦牀被

內官監。掌成造。御用儀仗。鹽倉水窖。造婚禮。妝奩。并內官內使帖黃架閣文書。曰司禮

監。掌冠婚。祭禮。儀制。帛及御前勘合賞賜筆墨。書畫。管長隨內使人等出門馬牌。催督光祿寺造

辦。曰御馬監。掌馬凡馬。曰印綬監。掌誥券帖黃印信。曰

直殿監。掌酒掃殿庭。監各有大監。正左右少監。從左

右監水。正典簿。從長隨奉御。正奉天門。午門

端門。承天門。各設門正。正門副。從掌晨昏啓閉關

防出入之事。置司二。曰鍾鼓。掌奉先殿祭樂。御樂。曰

惜薪。掌宮內柴炭。司各有正副。官。凡局六。曰兵仗。掌

用兵器。并督造。掌宮內梳篦。制牙針剪等。曰內織染。掌染造。曰針工。掌

造衣。曰巾帽。掌內官紗帽靴襪。曰司苑。掌種蒔宮內菜蔬。曰酒醋麪

局。各有大使。正五左右副。凡庫三。曰內承運庫。掌段疋金

銀珠玉象。曰司鑰庫。掌鑰鑰并收藏寶鈔。曰內府供應庫。上掌

牙鈔物。各有大使。正五左右副。後又置都知金銀

作局。而東宮有典璽典樂典膳典服典兵典乘等局。

局有郎。正五有丞。從五王府有承奉司有典寶典服典膳

等所。所各有正。正六副。從六其內使有司冠司珮司履司

弓矢。其各門各有正。正六副。從六門官方定制時。

上謂侍臣曰。朕觀周禮所記宮闈寺不及百人。後世至踰數千。因用階亂。今雖未能盡復古制。當豫計防微。

毋過多。又謂侍臣言。此輩自古來。其善者千百中不

一二。惡者常千百。若用為耳目。即耳目蔽。用為腹心。

即腹心病。御之之道。在使之畏法。而不可使有功。畏

法則簡束。有功則驕恣。六年置宮正司。設正副官。專

糾內官失儀。若不法者。有內侍事。

上久宴居。微言及政事。立斥逐。終其身不召。因立制

內侍。毋得識字讀書。十七年鑄鐵牌。文曰。內臣不得

干預政事。預者斬。置宮門中。又勅諸司。毋得與內

官監文移往來。蓋

聖神深慮豫防者如此。永樂中。中官有於應天府私取

工匠為役者。命錦衣衛逮治。召府尹詰責。宣德中。詔

六科。凡內官內使傳。旨諸司皆覆奏。再得。旨乃

下。防欺蔽。後令吏部於聽選教官中。擇其人入內教

內侍。已選翰林簡討學正等官教之。○內女官立六

尚局。曰尚宮。尚儀。尚服。尚食。尚寢。尚功。司。一日宮正。

俱正六品。而尚宮局總六尚事。凡出納文籍。皆印署之。如

六局徵取外諸司。尚宮取。旨署牒印。內使監受牒。

移外官。尚宮。二。掌導引中宮。總司紀。司言。司簿。司闈

之事。司紀二人。掌印宮內諸司出人簿牒。司言二人。

掌宣傳奏啓。司簿二人。掌宮女名籍廩賜。司闈

四人。掌宮闈管。尚儀局掌儀。二。掌禮儀起居。總司籍

鑄。女史六人。

司樂。司賓。司贊之事。司籍四人。掌經籍圖書教授。司

見宴會。司贊四人。掌朝會贊引。女史三人。尚服局。尚服一人。掌內服。總司

寶。司衣。司仗。司節之事。司寶二人。掌寶璽符契。司衣

掌羽儀仗衛。司節二人。掌巾櫛梳洗。尚食局。尚食一人。掌內膳。總司饌。司

醞。司藥。司供之事。司饌四人。掌烹炮調和飲膳。凡進

宮人廩餼薪炭。尚寢局。尚寢一人。掌燕寢。總司設。司

輿。司苑。司燈之事。司設四人。掌帷帳。衾褥。灑掃。鋪陳

菜。司燈二人。尚功局。尚功一人。掌督女功。總司製。司珍。司

綵。司計之事。司製二人。掌裁製衣服。司珍二人。掌珍

度支。衣服。飲食。薪炭。而宮正掌戒令。責罰。洪武初

局。各有女史二人。

上定女職。禮部具周制內宰贊內治。若漢法內官十四等。唐六局二十四司以上。請選良家子以充。

上曰數過多。宜防女寵。垂將來法。遂定制如上。後念六局官服勞久。命五六載得歸。其父母從。宜婚嫁。年高者。許歸終天年。願畱者聽。其在宮闈及授職者。家給祿視外品官。

我

太祖高皇帝既革中書省。總萬幾。獨運以給事本古門下省。掌封駁之官。乃特重六科。科列署於掖門內。特親已。乃遷掖門之兩翼。洪武初各起居注已準周制。

名元士。置八十一人。又稱源士。謂政事本原也。後定

用部名。分六科。科名都給事中。一人左右給事中。各

一人給事中。吏科四人。戶科八人。禮科六人。刑科十人。兵科十人。刑科八人。工科四人。科視事

繁簡為制。負為

天子親吏。掌待從規諫。補缺拾遺。分察六部百司之事。

而糾其弊誤。凡制勅宣行。大事覆奏。小事署而頒

之。有失。封還執奏。凡六部百司軍民所上章下。讀而

署之。駁正其違誤。而主德闕違。朝政得失。百官賢

佞。小許專達。大許聯署奏聞。凡日朝。六科輪一人。立

殿左右。珥筆記。旨。凡大事廷議。大臣廷推。大獄廷

鞫。六掌科皆與。凡諸司題奏。日附科籍。五日一銷註。覈羈緩。朝參門籍。六科泥掌。內官傳旨下。覆奏得旨而後行。定秩僅七品。而地親切。專糾駁。防專恣漸焉。

○中書舍人。故隸中書省。以名官。國初既罷中書省。存舍人十人。無正貳。資深者署印。主書

誥勅冊符鐵券。草請翰林院。寶請內府。權輕甚。而官屬內閣。為清銜。○乃重翰林院。定設學士。五品一人。侍讀學

士。二人皆從五。為正官。侍讀。侍講。各二人皆正六。五

經博士。五人。待書。二人。待詔。從九。為屬官。修撰。二人。編

脩。四人。簡討。四人。為史官。而孔目為首領官。自

國始基。陶安以翰林學士。謀猷文章。潤色鴻業。尋開文

華堂。選天下舉人年少質美。可進學者。張唯等。擢翰

林編脩。入肄業其中。詔大儒宋濂。桂茂良。為之師。

上政暇。輒幸堂考業。而光祿日給饌。皇太子諸王

日迭主馬。賜冬夏衣。賜白金鞍馬。已又選成均之秀

者。入武英堂。俾聞習政事。尋擢給事中。其後既罷中

書省。監察御史許士廉。請復三公府。不聽。而命翰林

春坊官。入看詳諸司奏啓。平駁之。平允則列名封進。

署曰。翰林院兼平駁諸司文章某官某進。蓋隱然古

中書之職。已定制為五品官。學士掌詞翰禮文。草

自史下緒
誥勅。詳正圖籍。考議制度。以文學備顧問。出入侍從。參謀議。凡經筵日講脩書。皆承受而統領焉。講讀。職專勸講經史。五經博士。崇專經。佐學士講讀。待詔。主應對。待書。以四體侍。

上書。於唐為供奉官。典籍。守古今四庫書籍。史官。掌脩國史。凡天文地理宗潢禮樂兵刑諸大政。

上所下詔勅書檄。謹籍而記之。以備實錄。為

上心簡注者。得入內閣。豫機務。兩直隸鄉試。禮部會

試。充考試官。萬曆初。申飭日講史官。從閣臣後。記注

起居。及密勿謨議。別揀史官。分曹纂諸司章奏題

月封送。內閣藏焉。○建詹事府。府有詹事。一人正三有

少詹事。二人正四有府丞。二人正六有主簿。從七錄事。從九有通事

舍人。而左右春坊。有左春坊大學士。一人正五品有庶子。

正五有諭德。從五有中允。正六有贊善。司直。從六清紀。從七司諫。

從八右春坊亦如之。而司經局有洗馬。從五較書。正九正字。

從九皆宮僚。洪武初。建大本堂。取古今圖籍。充其中。召

四方名儒。敎皇太子諸王。皇太子居文華堂。諸

儒專經。面授。分番進直。迭班侍從。

上時時賜宴賦詩。商畧古今。紬繹文學。其時東宮官。皆

勲舊大臣兼領。不別置。後始設詹事院。已更名府。設

左右春坊司經局。皆別署。而詹事府總焉。已令春坊翰林院日二人進講尚書春秋資治通鑑太學衍義。貞觀政要諸書。纂述始終大義為講章。呈上覽。已赴文華殿為皇太子陳說。太子三師三少詹事府鴻臚寺官各一人侍。召則同入。有留身獨進者。給事中司直清紀卽劾而

上日所處分府部軍國諸大務及撫諭四夷恩禮坊局官日陳說於東宮。已又選秀才張宗濬等隨宮僚分直。文華殿侍讀畢進說民間利害。田里稼穡古今孝弟忠信文學材賢諸故事。尋命廷臣舉孝義篤行

之士充東宮官。其慎重如此。左右春坊大學士典東宮奏請啓箋講讀之事。審慎而監省之。庶子諭德中允贊善各以其職為之貳。凡東宮監國撫

軍出狩及朝會出入覆啓畫諾審署移詹事。凡祥青啓告若伶僕改變新聲導逢非禮者陳古義申典制糾正之。請旨遠其人。凡內外庶政可為規諷者隨事贊諭。司直主彈劾宮僚糾舉職事。清紀卽佐之。司諫掌拾遺補過以鑒誠為箴誨。洗馬掌經史子集制典圖書之事。而較書正字。掌繕寫裝潢。詮其訛謬。調其音切焉。其太子太師太傅太保從太子少師少傅少

保。正太子賓客。正不列於詹事。無專授。獨為勲戚文。

武大臣兼官。加官贈官。○乃建國子監。監有祭酒。一人

正掌國學舉人貢生。官生。恩生。功生。例生。夷生。幼勲。

臣教訓之事。司業。一人為之貳。脩古樂。正成均之政。

令。造以明體適用之學。以孝弟禮義忠信廉耻為之

本。以六經諸史為之業。以升堂積分及格叙用之法。

而勵翼之。不率者扑之。不悛徙謫之。詳具學較記中以廩饌

膳師生。以力役給厨膳。以賜予示恩賞。以寧假悉人

情。以撥歷練吏事。以考選汰冗濫。歲中春秋上丁日。

祀先師。則總其禮儀。

上謁先師。幸太學。祭洒司業執經進講。有講章。其屬有

監丞。正坐繩愆廳。參領監事。諸師生怠教。不率教。及

膳廩不潔。並糾懲書識之。而堅明其約束。博士。從坐

博士廳。分經訓授。助教。從學正。正學錄。從坐正義。崇

志。廣業。脩道。誠心。率性。六堂。專教誨。嚴程課。講說經

義。導約之規矩。典簿。從典出納文移。受支金錢。為師

生饌。季報諸生課業。倣書。以聽于翰林。歲抄。奏上。

典籍。掌經史子集。及制書。掌饌。掌飲食。師生。於是

禮部。翰林詹事。春坊司經局。若國子監。官聯相通。流

而遷補。因之。獨稱華重矣。○洪武中。放宋制置。

殿閣大學士。吏尚書邵質。簡討吳伯宗。爲華蓋武
英殿大學士。翰林學士宋訥。典籍吳沈。爲文淵閣
東閣大學士。皆侍。左右備顧問。然不得平章軍
國事。如異時。已召者儒鮑恂。張長年。俞銓。至命爲
文華殿大學士。三人辭不就。而殿閣大學士始於
此。

文皇帝入踐極。念機務殷重。欲廣聰明。措天下於理也。
開內閣于東角門。簡翰林待詔解縉爲侍讀。擢中
書舍人黃淮。王府審理楊士奇爲編修。進修撰胡廣
爲侍講。編脩楊榮爲修撰。召戶科給事中金幼孜。

城知縣胡儼爲簡討。皆以翰林院銜入直。文淵閣
爲耳目腹心。日百官奏事退。內閣臣造晨前。密勿
謨畫。率漏下數十刻始退。諸六部大政。咸共平章。秩
五品。而恩禮賜賚。率與尚書並。蓋內閣預機務自此
始。是時閣中有文淵閣印章。獨與諸司異。凡封進
詔草。若登答章奏用之。不得下諸司。卽下諸司。以翰
林院印行。諸司上內閣。亦獨稱翰林院。而翰林院爲
內閣官已。

上命吏部言。內閣臣侍朕久。繼自今考滿。直內閣者。勿
補外。益尊重。然其後。縉出爲交趾參議。淮溥下

詔獄早卒。士奇榮幼孜事

上二十三年。官五品不遷。蓋嚴慎如此。而制三公三孤不以授。

昭皇帝渙焉淵衷。復命公孤官。謂侍臣曰。此皇祖制也。

皇考明聖。可無事此官。朕冲人。歷天下事之日淺。豈自謂能。無保傅何望。已又設諄身殿大學士。既又建弘文閣。諭大臣曰。卿等各有職務。朕欲得學行端謹老儒數人。日侍燕閑。備顧問。可咨訪以聞。士奇等以翰林侍講王進。蘇州儒士陳繼對。命學士

旨。繼授五經博士。掌閣事。進佐之。尚書義舉學錄楊敬。訓導何澄。敦實。卽授敬編修。澄給事中。皆直弘文閣。於是華蓋諄身。武英三殿。及文淵閣。東閣。俱有大學士。而東閣文淵閣大學士。不得旨入內閣。亦不得預機務也。正統初。

英宗以幼冲在位。閣學士博士奇榮等。協力翊輔。天下稱三楊。政本在殿閣。而天下又康。非久而閣振得柄。大社幾摧。蓋自是中書大權。與中禁大鑄。內外相低昂。時爲輕重矣。景泰時。都御史文王實始以孤卿入內閣。而內閣大學士。始領吏尚書兼保傅銜。職機務。

如故。自是益隆重。然猶修撰贊善。通參少卿少詹。皆得入。內閣預機務。乃後部尚書若卿。必夙處禁林。列吏禮者。乃得入。餘臺省不與矣。嘉靖中。

天子神聖。於殿閣。臣以獨斷專拔擢。而博疇咨於會推。時有負違。旋就屏逮。已名。奉天殿爲皇極殿。華

蓋殿爲中極殿。謹身殿爲建極殿。而大學士因名

官如初。隆慶初。大學士拱以青宮恩。以少師入

內閣。出筦吏部。則輿樞內秉。大鈞顯兼。萬曆初。大學

士居正。亦以青宮恩在內閣。身都師相代。

天言工。天下震焉。蓋職業崇於中書。體統尊於公孤。儼

然周宰漢相上矣。閣大學士預機務者。王出納。

上命。奉規陳誨。獻納謨猷。六部百司諸題奏。入擬議批

答。票以請。凡上所下。曰詔。曰誥。曰制。曰勅。曰冊。曰

諭。曰書。曰符。曰令。曰檄。皆審署申覆。而調劑焉。平允

乃行。凡下所上。曰題。曰奏。曰啓。表。箋。曰講章。曰書狀。

曰文冊。曰揭帖。曰制對。曰露布。曰譯。皆審署申覆。而

裁畫焉。平允乃下。經筵則知其事。東宮出閣講讀。

則領其事。修實錄史志諸書。則充總裁官。實錄

成。呈訖。焚其草。禁中。凡宗室請名請封。及諸大臣

請謚。並擬上。凡郊祀。巡狩。扈

上行凡

累朝御文實錄寶訓玉牒之副。若古今書籍皆籍而藏

之。凡會勅稽其繇狀叙述上請。凡會試廷試國

子生課。歲貢生試。譯字生試。皆總領之。凡詔制

詔勅。及一應機密文書。下王府。勅符。下夷王。勅

若書若勘合。皆稽典故。起草進下。誥勅房書辦。而漏

泄稽緩遺失。妄誤者。罰之。然初制殿閣大學士不

得壓九卿。九卿奏事不得關內閣。以為常。

祖宗朝。廣於求賢。務於得人。而嚴於豫防。以能削相之

號。收相之益。而諸閣學士造膝陳謨。露章抗論。世或

其贊襄。四海賴焉。嗚呼盛矣。

張樾曰。內閣掌握機務。無宰相之名。而陰寄其

權勢。六科評駁機務。無宰相之尊。而默分其樞衡。若中書為內閣之首領。翰林詹事國學。則內閣之階梯。

故合併紀之。見天下大權不屬於此。必屬於彼。能去其名。而終不能去其實也。其編叙之意義亦精矣。

國初親王府置左右相傅參軍錄事。後改設長史司。置

左右長史。各一人。正五所屬審理典膳奉祀典寶紀善良

醫典儀工正。凡八所。所設正副各一人。奉祀所有典樂典儀所有

引禮舍人外有倉大長史掌王府之政令。輔相規

諷。以匡王失。王府請名請封請婚。及請乞恩澤。

若陳謝進獻表啓書疏。皆主焉。下禮部議。王有過。

詰長史。凡府僚皆綱紀其職。審理掌推按刑獄。典膳

掌祭祀賓客及王若祀之膳羞奉祀掌祭祀典寶
掌寶符紀善掌諷導禮法開諭古誼及國家恩誼
大節以詔王善良良醫掌療治疾病典儀掌儀式
文物之事工正主繕造葺修工役伴讀掌侍從勸講
教授掌訓德義離較典籍引禮舍人掌接對賓客而
贊相其儀郡王有教授典膳將軍有教授親王
有護衛指揮使司司有使有同知僉事衛鎮撫有正
副千戶所鎮撫有百戶掌防禦非常儀衛司有正有
副有典仗掌侍衛儀仗之事畧倣京朝文武官官五
年一考察與京朝官同

成祖改北平爲北京洪熙初命襄城伯鎮守南京宣
德中改鎮守爲守備正統中命少保南戶部尚書黃
福參贊機務後稱總督或時用吏部用都御史已專
南兵部尚書定稱參贊而南京百官守備參贊機務
爲要重治所在中府掌皇城京城畿甸畱守之事
以時行視陵廟凡大小教場練將士新江口肆
水軍神機營習火器皆時督察之官軍騎籍歲一報
地圖文冊三歲一報諸江關浦口歲督行視之軍器
歲製貢舟均差遣而嚴輯之武學課業旗役併鎗監
視焉盜賊歲更官行緝屯田請專官巡視凡便宜事

會九卿五府議上請操江都御史一人巡江御史二人專江防六部諸司具設官而稍省其負南京宗人府經歷司

經歷一人、吏部尚書一人、侍郎一人、郎中四人、主事四人、司務一人、戶部尚書一人、侍郎一人、郎中十三人、員外郎十人、主事十七人、司務一人、照磨一人、禮部尚書一人、侍郎一人、郎中四人、主事二人、

司務一人、兵部尚書一人、侍郎一人、郎中四人、員外郎二人、主事五人、司務一人、刑部尚書一人、侍郎一人、郎中十三人、員外郎五人、主事十四人、司務一人、照磨一人、

郎中一人、郎中十三人、員外郎五人、主事十四人、司務一人、照磨一人、工部尚書一人、侍郎一人、郎中四人、員外郎二人、主事八人、司務一人、都察院右都御史一人、右副都御史一人、右僉都御史一人、

監察御史三人、經歷一人、都事一人、司務一人、照磨一人、司獄二人、大理寺卿一人、右寺丞一人、左寺正各一人、左右評事各三人、司務一人、

常寺卿一人、少卿一人、典簿一人、博士一人、協律二人、贊禮郎七人、司樂二人、奉祀三人、祀丞三人、

光祿寺卿一人、少卿一人、典簿一人、署正四人、署牙四人、太僕寺卿一人、少卿二人、寺丞二人、主簿一人、

寺在滁州、詹事府主簿一人、國子監祭酒一人、司業一人、監丞一人、典簿一人、博士三人、助教六人、

學政五人、學錄二人、典籍一人、掌饌一人、應天府府尹一人、府丞一人、治中一人、通判二人、推官一人、

鴻臚寺卿一人、主簿一人、署丞二人、鳴贊二人、序班九人、翰林院學士或侍講讀一人、孔目一人、

尚寶司卿一人、大醫院院判一人、吏目一人、欽天監事一人、監正一人、主簿一人、行人司司副一人、五城兵馬司指揮五人、副指揮八人、吏目五人、

國朝定鼎金陵以集慶路為應天府置尹視九卿正巳定都京師改北平曰順天府置尹視應天府有丞正有治中正有通判正有推官正而順天劇要設通判六員府尹掌京府之政令宣化和人勸農問俗均

貢賦節征繇。謹祭祀。閱實戶口。糾治豪猾。振恤窮困。清錄罪囚。務察知百姓之所疾苦。而時撫摩之。歲攢實徵。十歲造黃冊。凡賦役皆按冊。丁產而均適之。歲貢府學一人。三歲合試圻府生。而貢士焉。月朔。奏老人坊廂聽。宣諭歲立春迎春。進春。耕籍田。奉青箱播種。以從。覈勲戚家人。季終造引帳上。國有市易。平其賈。召商而時給之。凡學較軍匠積貯。牧馬柴炭。河渠隄涂。僧道醫藥之事。率所屬而分理焉。首領官經歷司經歷。從七典出入文移。知事。從八佐之。照磨。主磨勘卷宗。簡較佐之。○分天下爲十三省。初爲行中

書省已定爲。承宣布政使司。司設左右布政使。各一人從

二左右參政。各一人從三左右參議。各一人從四布政使擬古

方伯。掌一省之政令。朝廷有德澤禁令。承流宣播。

以下于有司。凡僚屬文武官。歲廉其稱職不稱職者。

上下其考。報撫按以達于吏部。兵部。都察院。三年。則

率所屬府州縣正官。及首領官。朝覲于京師。詳

第其稱職不稱職者于部院。聽廢置。十年。會戶版。以

登民數。三歲。大比。貢合省之士。而提調之。宗室官吏

師生軍伍。以時班其祿俸廩糧。祀典神祇。恪謹其時

祀。水旱疾疫之災。請免民田租賑之。民有孝弟行義。

貞烈表著者。疏請表揚。鰥寡孤獨廢疾者。收給養母
失所。凡貢賦役。皆視府州縣土地豐瘠。人民多寡。均
其數而下之。民省有大政。經畫定而請於撫按。若總
督。其國慶。國哀。遣僚貳。朝賀。弔祭。于京
師。

天子卽位。則左布政使來見。而參政分筦屯田水利驛
傳之事。參議分道守土。筦糧儲。首領官。經歷一人。典
文移。都事一人。佐之。照磨一人。理卷宗。簡較。佐之。理
問典刑名。辨疑請免。副理問。若提控案牘。佐之。庫大
使。副使。主庫藏。局大使。副使。主營繕隸焉。設提刑按

察司。按察使。

正一人

副使。

正二人

僉事。

正五人

按察使掌糾所

屬府州縣官司。及一省刑名按劾之事。諸官吏姦邪
貪酷罷軟。得糾察擒治。平讞刑獄。雪冤枉。禁詰官私
豪猾之干治者。以振揚風紀。大者暨都布二司。會議
告撫按。以聽于部院。凡朝覲慶賀弔祭之禮。具如
布政司。副使僉事。分道巡察。其兵備。提學。撫民。巡海。
清軍。監軍。各專事。置無常員。首領官。經歷。司。有經歷。
一人。知事。正八人。照磨。所有照磨。一人。簡較。一人。司獄司。
有司獄。一人。其邊海鹽運。行大僕。牧苑。山陝茶馬。亦各
置使司。總其事。以聽于戶部。兵部。如二司。

其各府設知府。正一人掌一府之政令。教養其所治民。

同知。正一人通判。正一人推官。正一人推官或二人通判至五人為

之佐。凡賓興科貢均平賦役。崇慎祀典。禁奸頑。表良

善。訊刑獄。審冤滯。存困窮。糾察所屬吏治。而上下其

考。以告於撫按。藩臬。以達於吏部。務周知百姓之所

疾苦。若籍帳。軍匠。傳驛。馬牧。倉庫。盜賊。河渠。溝防。道

路之事。雖有專官。皆總領而總督焉。凡朝覲慶賀

弔祭。直隸府得直達省府。達布政司。凡詔赦例令

勘劄下。謹受之。下所屬奉行。所屬之政。皆受約束於

府。府劑量重輕而令之。大者白於撫按及藩臬。議允

乃行。同知清軍匠。或兼巡捕。通判管糧。捕盜治農。修

河牧馬。推官理刑名。分職任事。管領官如按察司。經

一人正八知事一人照磨諸州設知州。一人掌一州

之政令。教養其所治民。同知。一人判官。一人為之佐。

州務上視府。下視縣。以月計上府。以歲計上省。以三

歲之計上吏部。同知清軍匠。或兼巡捕。判官督糧管

馬捕盜治農管河。分職任視。繁簡添裁無定負。吏目

從九縣設知縣。正一人掌一縣之政令。教養其所治民。縣

丞。正一人主簿。正一人為之佐。凡諸縣務如州。而於民尤

親。歲貢學生。聽試於學憲。三歲貢士。聽選於鄉試。歲

造實徵十歲造黃冊民之賦役視丁產爲筭歲以時
征其役賦有粟賦金賦布帛及諸貨物之賦有力役
顧役有借倩不時之役皆視其天時豐凶地產盈耗
與人力貧富調劑而均節之若歲大歉中歉請於府
於藩臬撫按視歲而時蠲減焉無幸富強若貧約凡
詞訟必詢其情理考諸律例而決之有不服聽陳於
上雪理焉凡養老祀神表善賑饑恤窮通貨之事時
省而敦行之凡山海澤藪之產資國用者按其籍
而貢焉凡常賦責糧頭大戶追攝若雜征責里長
讀教鄉塾老人勾勘民間細事總甲邏察市里

民壯職追胥縣丞主簿管馬管糧管河巡捕分職任
事視繁簡添設無定員典史典出納文移分領縣
事而府州縣皆立學設官府學官長曰教授州學官
長曰學正縣學官長曰教諭貳俱曰訓導主教民間
俊秀生徒凡學政遵卧碑以聽于提學憲臣聽提調
於府視鄉舉人多寡有無爲殿最而州縣屬各有陰
陰學府正術州典術有醫學府正科州典科有僧道
縣訓術各一人縣訓科各一人
司府僧綱司有都綱副都綱道紀司都紀副都紀各
一人州僧正司僧正道正司道正縣僧會司僧會
道會司道府有倉稅課司分司雜造織染局大使皆
會各一人
副使各一人有巡簡司巡簡有批驗茶鹽所大使有水馬

驛驛遞運所大河泊所所有草場大有壩開各設官州

縣在所有諸司局所者亦如府設官稅課司府日司

典稅凡商賈僧屠雜市皆有常征以時權而輸其直

於府凡民間買田宅操券契出直百之三請印而藏

之凡縣歲輸及雜賦若諸贖金悉登籍而藏之倉大

使典倉凡民賦軍屯之入及諸贖穀若俸祿糧米咸

收支焉織染局典織造凡歲幣有常數絲與凍染之

費並給於府會其數而籍之幣成覆於府而納於

內帑若宣索非局所織作者市之以供巡簡控山川

要害譏察非常姦宄竊發則應時捕拿以聽於巡捕

三年計所獲偽印強竊盜逃軍囚囚以為上下考批

驗茶鹽引所典茶鹽引繇稽其奸冒而慎防之駟遞

典傳郵迎送之事凡舟車夫馬廩糧庖饌襴帳皆取

給丁田受於府而籍其出入之數河泊所典魚課草

場受牧馬芻粟陰陽學司刻漏籍雨暘報上為水旱

備日月食供救護醫學司方藥訓諸醫生療人民疾

病僧道官領僧若道士以清規訓齊之凡救日月食

請雨請霽祀厲壇則謹率其徒而施其教事凡春秋

奏樂於先師則以道童充樂舞生而邊海有提舉市

舶司提舉一人從五副提舉二人從六吏目一人所屬驛驛丞一人掌海夷朝貢市

易之事。辨其使人表文勘合之真偽。禁通番。征私貨。閑其出入而慎館穀之。吏日典所納文移。驛丞寓夷客使僕。豐其食餼帳幕。而上下其等周防之。

國初設翼元帥府。又改為行都督府。或稱都衛。稱都鎮。司已定為都指揮使司。與布按二司。並曰三司。都指揮使司設都指揮使。二人。都指揮同知。二人。從二。都指揮

僉事。四人。正三。掌都司之政令。筦衛所戎政。各率其衛所

以隸於五府。而聽於兵部。歲聽考察於撫按。五歲考選軍政而廢置之。一人統司事曰軍政掌印。一練兵。

一巡捕曰軍政僉書。其屯田軍器漕運京操儀衛諸

務。並選授。日見任管事。否曰帶俸。諸國慶國哀

慶弔禮。若首領官。視布政司。經歷一人。正六。都事一

副。斷事一人。正七。吏目一人。司獄二人。留守司。正留守一人。正六。副留守二人。

正三。指揮同知。二人。掌中都守護禦防之事。諸政務設

官。視都指揮使司。經歷斷事司獄。外衛指揮使司。有指揮使。

一人。指揮同知。二人。從三。指揮僉事。四人。掌軍旅防禦之

事。歲藩臬撫按。察其賢否。五歲考選而廢置之。衛鎮

撫。一人。掌刑獄。有管領官。經歷從七。知事。衛學官。教

訓。其專城有驛。有遞運。有陰陽醫學。有僧綱道紀司。

其設官視府千戶所。正千戶一人。正五。副千戶二人。從五。有鎮

撫二百人。正六。其設官做縣。首領吏目一人。自衛指揮而上。

官不世。陞授改調如文官。衛指揮而下則世官。不皆

賢不蒞事。得其人常攝數印。選以充。其蠻夷居近徼

為守者。世官曰土官。凡六等。曰宣慰使司。宣慰使從三同知正

四副使從五僉事正六經歷司。曰宣撫司。宣撫使從四同知正

五副使從五僉事正六其經歷從八知事正九照磨從九各一人。曰安撫司。使從五副使正

六僉事正七吏目正九各一人。曰招討司。使從五副招討正六。曰長

官司。長官正六副長官從六吏目各一人。曰蠻夷長官司。長官正七副

及府州縣正貳幕屬世官者皆謂土官。王附輯諸蠻

謹守疆土。修其職貢而供其調發。無敢携貳有相

者。疏上聽。朝命有流官者。銓於吏部兵部。又有蠻

民官千夫長副千夫長百夫長軍民萬戶府經歷司經歷知事並停銓。司有儒學。制如

府。其因事命將凡五等。曰鎮守。曰協守。曰分守。曰守

備。曰備倭。其官六等。曰總兵。曰副總兵。曰參將。曰遊

擊。皆稱將軍。曰都指揮。曰都指揮體統行事。皆以事

置無常員。大都

國家以爵三等酬武功。伯公侯。以官九品熙庶績。各有號。

開國武功曰開國輔運推誠宣力功臣文曰開國輔運推誠守正文臣。靖難武功曰奉天靖難推誠宣

力功臣文曰奉天靖難推誠守正文臣。宣德後征討功曰奉天翊運推誠官力功臣文曰奉天翊運推

誠守正文臣。有品。具有階。文官正一品。初授特進榮祿大夫。陞授特進光祿大夫。從一品。

初授榮祿大夫。陞授光祿大夫。正二。初授資善大夫。陞授資政大夫。加授資德大夫。從二。初授中奉大夫。陞授通奉大夫。加授正奉大夫。正三。初嘉議大夫。陞授通議大夫。加授正議大夫。從二。初亞中大夫。陞授中大夫。加授中大夫。正四。初中順大夫。陞授中憲大夫。加授中議大夫。從四。初朝列大夫。陞授朝議大夫。加授朝請大夫。正五。初奉議大夫。陞授奉政大夫。從五。初奉訓大夫。陞授直大夫。正六。初承直郎。陞授承直郎。從六。初承務郎。陞授儒林郎。以吏入銓者授宣德郎。正七。初承事郎。陞授林郎。吏宣義郎。從七。初從仕郎。陞授徵仕郎。正八。初廸功郎。陞授修職郎。從八。初廸功佐郎。陞授修職佐郎。正九。初將仕郎。陞授登仕郎。從九。初將仕郎。陞授登仕郎。佐郎。其有官無階曰未入流。武正一。從一。階同。文正二。初授驃騎將軍。陞授金吾將軍。加授龍虎將軍。從二。初授鎮國將軍。陞授定國將軍。加授奉國將軍。正三。初授勇將軍。陞授毅將軍。加授武將軍。從三。初懷遠將軍。陞授定遠將軍。加授安遠將軍。正四。初明威將軍。陞授宣威將軍。加授廣威將軍。從四。初宣武將軍。陞授武將軍。加授信武將軍。正五。初武毅將軍。陞授武毅將軍。正六。初昭信較尉。陞授

信較尉。階止此。凡初入官。初改官。不授階。初考。曰初授。再考。稱職。口再授。三考。曰加授。有勳。文

正一。左柱國。右柱國。從一。皆柱國。文正一。正治上卿。從二。正治卿。正三。資治尹。從三。資治少尹。正四。贊治

尹。從四。贊治少尹。正五。修正庶尹。從五。協正庶尹。正無文官。再考。乃授勳。武正二。上護軍。從二。護軍。正三。上輕車尉。從三。輕車尉。正四。上騎都尉。從四。騎都尉。正五。驍騎尉。從五。飛騎尉。正六。雲騎尉。正無。有

祿俸。武功公。侯伯。歲支祿米。多者五千石。少至七百七十四石。正二月。六十一石。從二月。四十八石。正三。三十五石。從三。二十一石。正四。二十四石。從四。二十石。正五。一十六石。從五。十四石。正六。一十八石。正七。七石。五斗。從七。七石。正八。六石。六斗。從八。六石。正九。五石。五斗。從九。五石。蓋

歲五十石。未入流。月三石。而階勳。惟空名。惟給俸。視品。乃職司。若所蒞屬。獨視官。為權重。即品。無論矣。俸

自正一品。歲千石。遞而降。至從九品。歲五十石而止。

品高者給豐。尋定制在京一品至五品實支十之三。六品至九品實支十之四。餘給鈔俸。約者支稍從實。以權之後鈔折閱不行。而畱都官折鈔十之八。入愈薄難供矣。外官實支視各省府為豐儉。額無常。亦間有職田。然甚少。頗不足給云。

鄭端簡曉曰。

皇朝建官準法虞周。雖專領兼折。微有不同。而規模品式。大抵相為損益。故權殺於漢。而董正之網維自定。負省於唐。而職任之貫理甚周。諱涼於宋。而蠲復之恩科愈厚。卽有驕陵旋麗。陳臬豈無冗贅。亦復汰除。

矧文武夾維。內外交應。協恭互發。則指臂相隨。輒斷獨行。則齟齬不遂。宏謨曲筭。可謂博大精詳者矣。乃為官擇人。匪專於法。因分宣力。惟旣厥心。則存乎其人焉。

人語

為官數人。其專欲。因公宣代。卦對。心俱。奔平。其
齋。不發。其曲。美。可。階。耕。大。靜。箱。世。矣。八
賦。文。死。夾。其。內。以。支。惠。謝。恭。且。發。限。卦。書。時。翻。脾。潤。

